

HARVARD COLLEGE LIBRARY  
FROM THE  
HARVARD-YENCHING  
INSTITUTE  
FEB 7 1930

~~32~~  
22

22

T Ch L 5235/4462b  
6.05/



文苑英華卷第二百一

樂府十

巫山高二十一首

蜀國吟二首

襄陽行一首

襄陽歌一首

東武吟二首

紀遼東二首

巫山高

江南行二十一首

白銅鞮歌六首

大堤曲一首

豫章行二首

武陵深行二首

廣陵行一首

梁元帝

巫山高不窮。迥出荆門中。灘聲下。澗石。猿鳴上。逐風樹。雜山如畫。一作林暗澗疑空。無因謝神女。一為出房櫳。





同前

迢遞巫山好一作竦遠天新霽時樹交涼去遠草合影開遲  
谷深流響咽峽近猿聲悲只言雲雨狀自有神僊期

同前

巫山高不極白日隱光輝靄靄朝雲去冥冥暮雨歸巖懸  
獸無跡林暗鳥疑飛枕席竟誰休一作依薦相望日空一作依

同前

梁蕭銓

巫山映巫峽高高殊未窮猿聲不辨處雨色詎分空懸崖  
下桂影一作深澗響松風別有仙雲起時向楚王宮

同前

虞羲

南國多奇山荆巫獨靈異雲雨麗以往陽臺重怨一作思

勿言丹可一作再得特美君王意高唐一斷絕光陰不可遲

同前

劉繪

高山與巫山參差鬱相望灼爍在雲間氛氲出霞上散雨  
收夕臺行雲卷晨帳出沒不易期嬋娟似惆悵

同前

鄭世翼

巫山凌太清岩堯類削成霏霏暮雨合靄靄朝雲生危峯  
入鳥道深谷馮猿聲別有幽棲客淹留攀桂情

同前

凌敬

巫岫鬱岩堯高高入紫霄白雲間包石玄猿迴挂一作迴條  
懸崖激巨浪脆葉殞驚飆別有陽臺處風雨共飄飄一作飄

同前

李元操



荆門對巫峽。雲夢迥陽臺。燎火如奔電。墜石似驚雷。人塞  
秋水急。風靜夜猿哀。枕席無由薦。朝雲徒去來。

同前

盧照隣

巫山望不極。望望下朝氛。莫辯啼猿樹。徒看神女雲。驚濤  
乳水脉。驟雨暗岑峯。一作文。霓衣即此地。况復遠思君。

同前

閻復本

君不見巫山高。高半天起絕壁千尋。盡相似君不見巫山  
磕。匝翠屏開。湘江碧水遠。山來綠樹春。嬌明月峽。紅花朝  
覆白雲臺。臺上朝雲無定所。此中窈窕神仙女。仙女盈盈  
仙骨飛。清容出沒有光輝。欲暮高唐行雨送。今宵定入荆  
王夢。荆王夢裏愛穠華。枕席初開紅帳遮。可憐欲曉啼猿  
處。說道巫山是妾家。

同前

喬知之

巫山十二峯。參差牙隱見。潯陽幾千里。周覽忽已遍。想像  
神女姿。摘芳共珍薦。楚雲何逶迤。紅樹日葱蒨。楚雲沒湘  
源。紅樹斷荆門。郢路不可見。况復夜聞猿。

同前

沈佺期

巫山峰十二。合杳一作還。合一作還。隱昭回。俯眺琵琶峽。平看雲雨臺。  
古槎天外倚。瀑水日邊來。何忽啼猿夜。荆王枕席開。

同前

張九齡

巫山與天近。煙景常青瑩。此中楚王夢。夢得神女靈。神女  
去已久。白雲一作雨空冥冥。唯有巴猿啼。哀音不可聽。



同前

皇甫冉

巫峽見巴東迢迢出半空雲藏神女館雨到楚王宮朝暮  
泉聲落寒暄樹色同青猿不可聽偏在九秋中

同前

李端

巫山十二峯皆在碧空中迴合雲藏日霏微雨帶風猿聲  
寒度過一作水樹色暮連空愁向高堂宿一作唐皇清秋見楚東

一作宮

同前

張循之

巫山高不極合沓一作杳杳狀奇新暗谷疑風雨幽巖若鬼神  
月明三峽曙潮滿二江春為問陽臺客應知入夢人

同前

李沈

决天心開地脉浮動凌霄拂藍碧襄王端眸望不極似睹  
瑤姬長歎息巫粧不治獨西望暗泣紅蕉抱雲帳君王妬  
妾夢荆宮虛把金泥印仙掌江濤迅激如相助十二猱龍  
怒行兩崑崙謾有通天路九峰正在天低處

同前

李賀

碧叢叢齊一作高一作挿天巴一作大江翻瀾神曳煙楚魂尋夢風  
颼然曉風吹一作飛一作雨生苔錢瑤姬一去一千年丁香印竹  
號一作竹啼一作筇一作老猿右相近月蟾桂寒椒花墮一作墜一作紅濕雲間

同前

陳陶

玉峰青雲一作靈一作十二枝金母和雲賜瑤姬花宮磊砢楚宮  
外一作列仙一作仙客八面星斗垂秀色無雙怨三峽春風幾



夢裏王獵青鸞不在  
嬾吹簫班竹題詩寄江妾  
飄飄散絲  
巴子天竺裳玉響紅霞  
幡歸時白帝掩青瑣  
瓊枝草草遺  
湘煙

同前

羅隱

下壓重泉上干仞  
香雲結夢西風緊  
縱有精靈得往來  
狎  
輒聽軒亦顛  
隕嵐光双双雷  
隱隱愁為衣裳恨  
為髮暮洒  
朝行何所之  
江邊日月情無盡  
珠零冷露丹墮  
楓細腰長  
臉愁滿宮人生  
對面猶異同  
况在千巖萬壑中

江南行三首

梁簡文帝

桂楫曉應旋  
瀝岸扣輕舷  
紫荷釣鯉魚  
銀筐插矩一作蓮  
人歸浦已一作暗  
那得又迴船

二

同前

江南有妙妓  
時則應璿樞  
月暈盧灰缺  
秋還懸炭枯  
含丹  
和九轉芳樹  
應千株  
何辞天后  
誚終是列一作到  
僊都

三

同前

郭茂清作梁昭明

陽春路時使  
家人度桂中  
水上春併歸  
長楊拂一作及  
地  
桃花飛清風  
吹人光照衣  
景將夕且一無  
擲黃金留上客

同前

梁武帝

衆花雜色滿山林  
舒芳搖綠垂輕陰  
連手蹀躞舞春一作  
心舞春心臨歲腹  
中心人一作望盡一作無  
獨踟躕

同前

沈約

棹歌發江潭  
采蓮度湘南  
宜涖閑隱處  
州浦余自諳  
羅衣



織成帶墜馬碧玉參且一作今舟楫渡寧計路岸岸一作

同前

梁柳惲

汀洲採白蘋日落江南春洞庭有歸客瀟湘逢故人故人  
久不還春華復應晚不道新知樂只言行路遠

同前

李康成

梅花落好使香車度楊柳青青鶯欲啼風光搖蕩綠蘋齊  
金陵城頭日色低日色低情難極水中鳥鷺雙比翼

同前

王勃

江南弄巫山連楚夢行兩行雲幾相送瑤軒金谷上春時  
玉童仙玉一作女無見期紫露香煙眇難托青樓明日一作清風  
明遙相思遙相思草徒綠為聽雙飛鳳凰曲

同前

宋之問

妾往越城南離居不自堪採花驚曙鳥摘菜饒春蚕懶結  
菜莢帶愁安玳瑁簪待君待一作銷瘦盡日暮綠一作江潭

同前二首

崔顥

君家何處住妾住在橫塘停船暫借問或可是同鄉

二

北一作渚多風浪蓮舟欲暫稀那能不相待獨自逆潮歸

同前二首

儲光羲

逐流牽藕一作葉綠岸摘蘆苗為憶一作鴛鴦鳥輕輕動

畫橈

二



淶一作綠江深見低高浪直翻空慣是湖邊住船一作舟輕不  
畏風

同前

張朝

此菰葉爛別西灣蓮子花新猶不還妾夢不離江水上人  
傳郎在鳳凰山

同前

李叔卿

湖上女江南花無雙越女春浣紗風似箭月如弦少年吳  
兒曉進船郗家子弟謝家郎烏巾白袷紫香囊菱歌思欲  
絕楚舞斷人腸歌舞未終涕雙隕旧宮坡陀繞嶙隱西山  
暮雨過江來北渚春雲沿海盡渡口水流緩妾歸霄刺遲  
含情為君丹理曲月華照出澄江時

同前

芮挺章

春江可憐事最在美人家鸚鵡能言鳥芙蓉巧笑花馬銜  
金作埒水抱玉為砂薄晚青絲騎長鞭赴狹斜

同前

劉慎虛

美人何蕩漾湖上風月長玉手欲有贈徘徊双明璫唱歌  
一作隨淶水怨色起青一作朝陽日暮還家望煙雲一作波橫  
洞房

同前

韓翎

長樂花枝兩滴銷江城日暮好相邀春樓不閉歲蕤鎖淶  
水迴通宛轉橋

同前

李賀



江中綠霧起涼波江上疊巘紅峯我水風浦雲生老竹渚  
一作渚暝滿帆如一幅鱸魚千頭酒百斛酒中倒卧南山綠  
吳歎越吟未終曲天上團團帖寒玉

同前

陳標

水光春色滿江潮一作潮天蘋葉風吹荷葉錢香蟻翠旗臨一作

卧岸市艷娥紅袖渡江船晚驚白鷺聯翩雪浪感青菱激  
灑煙不怕汀洲芳草暮待將秋一作春興拆湖蓮

同前

羅隱

江煙濕雨蛟綃軟漠漠小一作遠山眉黛淺水國多愁又有

情夜槽壓酒銀船滿細絲搖柳一作細凝晚空吳王臺榭

春夢中鴛鴦鶻鵝喚不起平鋪綠水眠東風西陵路邊月

悄悄油壁車輕蘇小小一作輕車嫁蘇小

蜀國吟

梁簡文帝

銅梁指斜谷劍道臨中區通星上分野作國下為都雅歌

固一作固良守妙舞自己歛一作渝陽城嬉樂盛劍騎鬱相趨

五婦行難至百兩好遊娛牲祈望帝祀酒醉一作醉蜀侯誅

江妃納重聘真女愛將雛傳絃時擊爪息路一作吹治層朱

春一作脫衫湔錦浪迴扇避陽烏聞君握道一作節返賤妾下

城隅

同前

盧思道

西蜀稱天府由來擅沃饒雲浮玉壘夕日映錦城朝南尋  
九折路東上七星橋琴心苦易解令客豈難要



白銅鞮歌三首

一作襄陽蹋銅蹄

梁武帝

陌頭征人去 閨中女下機 含情不能言 送別沾羅衣

二

草樹非一香 花葉百種色 寄語故人情 知我心相憶

三

龍門一作馬

紫金鞍 翠眊白玉羈 照曜双闕下 知是襄陽兒

右三首見郭茂倩樂府今文苑英華合第一第二為

一首又增襄陽白銅鞮聖德應乾來兩句為首句

按隋書樂志襄陽白銅鞮梁武帝自為三曲又令

沈約為三曲古今樂錄沈約又作其和云襄陽白

銅鞮聖德應乾來合從樂府

同前

沈約

生長宛水上 往官

一作從事

襄陽城一朝遇神武奮翼起先鳴

二

躡控

一作蹀躞

飛塵起左右自生光男兒得富貴何必還故鄉

三

分手桃李岸 望別峴山頭 若欲寄書信 漢水向東流

襄陽行

張朝

玉盤轉明珠 君王無定準 昨見襄陽客 剽說襄陽好 無盡

襄漢水 峴山垂漢水 東流風北吹 只言一世長 嬌寵那悟

今夕一作朝

見別離 君渡清羗渚 知人獨不語 君見木栖林

憶我相思深 莫作雲間鴻 離聲願傳侶 尚如匣中劍 分形



會同處是君婦識君情怨君恨君為此行下床一宿不可  
保况乃萬里襄陽城襄陽傳近大堤北君到襄陽莫迷惑  
大堤諸女兒憐錢不憐德

大堤曲

李賀

妾家住橫塘紅紗滿柱香青絲琴一作青雲教縮頭上髻明月  
與作耳邊璫蓮風起江畔春大堤上亩北人郎食鯉魚尾  
與客往往一作妾食狸狸脣莫指襄陽道淶浦歸帆少今日菖蒲  
短一作花明朝楓樹老

襄陽歌

李白

落日欲沒岷山西倒着接離一作行客醉花下迷襄陽小兒齊  
拍手攔街爭唱白銅鞮傍人借問笑何事笑殺山翁一作公

醉似泥鷓鴣杓鸚鵡杯百年三萬六千日一日須傾三百

杯遙看漢水鴨頭綠恰似一作疑是蒲萄新一作初撥醅此江若

變作春酒累一作壘麴便築糟丘臺千金駿馬換少妾笑一作

醉坐金一作雕鞍歌落梅車傍側掛一壺酒鳳笙龍管行相

催咸陽市上一作中款黃犬何如月下傾金壘君不見晉朝

羊公一片古碑材一作石碑在龜頭駁一作龍剝落生莓苔淚亦

不能為之墮心亦不能為之哀誰能憂此身後事金鳧銀

鴨莖死灰清風明月不用一錢買玉山自倒非人推舒州

杓力士鎗一作爵白黃金一作玉瓶李白一作酒仙與爾同死生襄陽雲雨今

安在江水東流猿夜聲

此詩三百四十三卷重出今已削去注異同為一作



豫章行

沈約

燕陸一作陵平而遠易河清且駛一見塵波阻臨途引征思  
雙劍愛匣同孤鸞悲影異宴言誠易纂浩歌信難嗣卧聞  
夕鍾急坐閱朝光亟往歡墜壯心來戚滿哀志徂一作芳  
無丹馥淪灰定還熾夏臺尚可忘榮辱亦奚事愧微曠士  
感鄙生餌勞哉納辰和地遠托聲寄

同前

薛道衡

江南遠地接閩甌山東英妙屢經遊前瞻疊嶂千重阻却  
帶驚湍萬里流楓葉朝飛向京洛文魚夜過歷吳洲君行  
速度茱萸嶺妾往長依明月樓樓中愁思不開噴始復臨  
窓望早春鴛鴦水上萍初合鳴鶴園中花併新空憶常時

角枕處無復前日畫眉人照骨金環誰用許見胆明鏡自  
生塵蕩子從來好留滯况復関山遠迢遞當季織女嫁牽  
牛莫作姮娥叛夫婿偏訝思君無限極欲罷欲忘還復憶  
願作王母三青鳥飛來飛去傳消息豐城雙劍昔曾離經  
年累月復相隨不畏將軍成久別只恐封侯心更移

東武吟

李白

好古笑流俗素聞賢達風方希佐明主長揖辭成功白日  
在高天迴光燭微躬恭承鳳凰詔歛然一作起雲蘿中清切  
紫垣迴優游丹禁通君王賜顏色聲價凌煙虹乘輿擁翠  
蓋扈從金城東寶馬麗絕景錦衣入新豐依岩望松雪對  
酒鳴絲桐因李揚子雲獻賦甘泉宮天書美片善清芬播



無窮歸來入咸陽談笑皆王公一朝去金馬飄落成飛蓬  
安友自疎散玉樽亦已空才力猶可倚不慙世主雄閑作  
東武吟曲盡情未終書此謝知己吾尋黃綺翁一作扁舟尋釣翁

同前

曹鄴

心如山上虎身若倉中鼠惆悵倚市門無人與之語夜宴  
李將軍欲望心相許何曾聽我言貪譴邛邛女獨上黃金  
臺淒涼淚如雨

武陵深行

武陵一作溪深不測水安身復輕整借一作莊生釣還滯鄂

君行誰一作權歌爭復一作後發譁鼓逐前征秦上山川陰黔

中水復清一作水石并林壑秋瀨急猿哀夜月明澄源本

千仞迴峯忽萬紫昭潭讓無底太華推削成日落野通氣

目極悵餘清下流曾不得一作蜀長邁寂無声羞學滄浪水

濯足復沾纓

同前

爰寄生

滔滔武陵一何深鳥飛不度獸不敢臨嗟哉武陵兮多毒

淫

紀遼東二首

隋煬帝

遼東海北剪長鯨風雲萬里清方當銷鋒散馬牛旋師宴

鎬京前歌後舞振軍威飲至解戎衣判不徒行萬里去空

道五原歸

二



東旄杖節定遼東俘馘振一作夷風清歌凱捷九都水歸  
宴碓陽宮策功行賞不淹留全軍籍智謀詎似南宮棧道  
上先封雍齒侯

同前

王曹

遼東泚水事龔行俯拾信神兵欲知振旅旋歸樂為聽凱  
歌聲千乘元戎纔度遼扶歲已冰銷詎似百萬臨江水按  
轡空迴鑣天威電邁奉朝鮮信次即言旋還笑魏家司馬  
懿迢迢用一年鳴鸞詔蹕返清潼舍爵及疇庸何必豐沛  
多相識比屋降堯封

廣陵行

權德輿

廣陵寔佳麗隋季此為京八方稱輻輳五達如砥平大旆  
映空色笳簫發連營層臺出重霄金壁摩顛清交馳流水  
轂迴接浮雲薨青樓旭日映綠野春風晴噴玉光照地嘖  
娥儂城城燈前牙巧笑陌上相逢迎飄飄翠羽薄掩映紅  
襦明蘭麝一作暮遠不散管絃閑自清曲士守文墨達人隨  
性情茫茫竟同盡冉冉將何營且申今日歡莫務身後名  
肯幸諸儒筆書窓誤一生



文苑英華卷第二百二

詩五十二

樂府十一

長相思十五首

有所思二十首

君子有所思一首

自君之出矣五首

古別離九首

潛離別一首

遠別離一首

久別離一首

長別離一首

生別離二首

別離曲一首

長相思

梁昭明太子

相思終無

無一作終

極長夜起歎息徒見貌嬋

嬋一作嬋

寧知心

有憶寸心無所因願附歸飛翼



同前二首

張率

長相思久離別美人之遠如兩絕獨延佇中心結望雲雲  
遠散一作去遠望鳥鳥飛滅遠望終若斯珠淚不能空

二

長相思久別離所思何在君天垂鬱陶相望不得知玉階  
月夕映羅帷夙夜吹相思不能寢坐望天河移

同前雜言

陸瓊

長相思久一作速離別一罷鴛鴦鋒矢絕一作一罷鴛鴦鴻始

一作去柳堪結室冷鏡凝冰庭幽花似雪容兒春春滅

已朝朝書字朝朝看一作看看

同前

徐陵

長相思望歸難傳聞更始戍樓蘭一作傳聞奉詔戍車蘭龍城遠鴈

門寒愁來瘦轉劇衣帶自然寬念君今一作君不見誰為

抱腰看

同前

王璩

長相思久離別兩同心一作同心憶不相徹悲風悽愁雲結柳

葉眉上銷菱花鏡中滅鴈封歸飛斷鯉素還流絕

同前二首

江總

長相思久離別征夫去遠幽芳滅一作芳音滅湘水深隴

頭咽紅羅斗帳裏綠綺清弦絕逶迤百尺樓愁思三秋結

二

長相思久別離春風送燕入簷窺開脂粉弄花枝紅樓干



愁色玉筍兩行垂心心不相照望望何由知

同前

君不見天津橋下東流水南望龍門北朝市場楊柳青上苑  
北垂桃紅李白花參差花參差柳堪結此時憶君心斷絕

同前

李白

長相思在長安絡繹秋啼金井欄微霜淒上簾色寒孤燈  
不寐一作明思款絕卷帷望月空長嘆佳期迢迢一作美人如花隔  
雲端上有青冥之高天下有綠水之波瀾天長路遠魂飛  
苦夢行一作魂不到關山難長相思摧心肝

同前

權德輿

少小別潘郎嬌羞倚畫堂有時裁尺素無事約殘黃鶻語  
臨粧鏡花飛落綉床相思不解說明月照空房

同前

劉復

長相思在桂林蒼梧山遠瀟湘深秋堂零淚倚金瑟朱顏  
搖落隨光陰長宵嘹唳命鴻侶河漢蒼上隔牛女寧知一  
水不可度况復萬山脩且阻綵絲織綺文双鴛昔時贈君  
君可憐何言一去瓶落井流塵歇滅金爐前

同前

陳羽

長相思長相思相思無限極相思苦相思相思損容色容  
色真可惜相思不可徹日日長相思相思腸斷絕腸斷絕  
淚還續閑人莫作相思曲

同前

武元衡



長相思 隴雲愁罩于臺上望伊洲 鴈書絕 蟬髮秋行人山  
北一作天畔 暮雨海西頭 腹動大河水東注 不還流

同前

曹鄴

妾顏與日改 君心與日新 三年得一書 猶在湘之濱 料君  
相輕意 知妾無至親 况當受明礼 不合再嫁人 願君多生  
日 化質為妾身

有所思

梁簡文帝

昔未離長信 金翠奉乘輿 何言人事異 宿昔故恩疎 寂寞  
錦筵靜 玲瓏玉殿虛 掩閨泣團扇 羅幌詠靡蕪

同前

梁昭明太子

公子路遠一作遠行 隔乃在天一方 望望江山阻 悠悠道一作坂

路長 別前秋葉落 別後春花芳 雷歎一流一作聲 響雨泪忽

成行 悵望情無極 引領心一作心還 自傷

同前

王筠

丹堦生細草 紫殿網一作納 輕陰暖暖 巫山遠悠 上湘水深  
徒歌輓轡 劍空貽璫 瑁簪望君終不見 眉淡且微吟

同前

庾肩吾

佳期杳一作竟 不歸春物生 芳菲拂匣看 離扇開箱見 別衣  
井桐生末合 宮槐卷復稀 不及啣泥燕 從來相逐飛

同前

王僧孺

夜風吹熠燿 朝光照辟邪一作瓦松也 幾銷靡蕪葉 空落蒲  
萄一作桃 花不堪長織 素誰能獨浣 紗光陰復何極 望促友



成賒知君自蕩子奈妾亦倡家

同前

劉繪

別離安可再而我更重之一作佳人佳人不相見明月空  
在帷共啣蒲堂酌獨斂向隅眉中心亂如雲寧知有所思

同前

費昶

上林鳥欲飛長門日行一作將暮所思鬱不已空想丹墀步  
簾動意君來雷声似車度北方佳麗子窈窕能迴顧夫君  
自迷惑非為妾心妬

同前

裴讓之

夢中雖暫見及覺始知非展轉不能寐徙倚獨披衣淒淒  
曉風急掩掩月光微室空當一作常達旦所思終不歸

同前

顧野王

賤妾有所思良人久征戍笳鳴故一作胡塞表一作塞城表花開  
一作開落芳樹白登澄月色黃龍起烟霧還聞雉子班非復  
長征賦

同前

張正見

深閨久離別積怨轉生愁徒思裂帛馬空上望歸樓看花  
憶塞草對月想邊愁相思日日夜夜一作度淚臉年上流

同前

陵系

別念恨城闈還思樓上人淚想愁一作離前落愁開一作別  
後新月來疑舞扇花度憶歌塵只看月彩一作今度裏那似隔  
河津



同前

陳後主

佳人在北燕相望渭橋邊團團落日樹耿耿曙河天愁多  
明月下淚盡鴈行前別心不可寄唯餘琴上絃

同前

盧思道

長門與長信憂思竝難任洞房明月下空庭綠草深怨歌  
裁潔一作素能賦受黃金復聞隔湘水猶言限桂林悽  
日已暮誰見此時心

同前

楊炯

賤妾留南楚征夫向北燕三秋方一日少別比千年不掩  
頰紅縷無論數綠錢相思明月夜迢迢白雲天

同前

沈佺期

君子事行役丹空芳歲期美人曠延佇萬里浮雲思園槿  
綻紅艷郊菜柔綠滋坐看長夏晚秋月照羅帷

同前

一作君子  
有所思

李白

紫閣連終南青冥天倪色憑崖望咸陽宮闕羅北極萬井  
驚畫出九衢如絃直渭水清銀河橫天流不息朝野盛文  
物不冠何翕輶鹿馬散連山軍容威絕域伊臯運元化衛  
霍輸筋力歌鍾樂休明一作榮去至老還通圓光一作  
過滿缺太陽移中昃不散東海金何爭西輝匿無作牛山  
悲惻滄淚霑臆

同前

韋應物

借問江堤一作堤上柳青青為誰春空遊昨日地不見昨日人



縵繞萬家井往來車馬塵莫道無相識要非心所親

同前

陳陶

欲唱玄雲曲知音復誰是採掇情未來臨池畫春水

同前

王貞白

芙蓉出水時偶爾便分離自此無因見長教桂所思殘春不入夢芳信欲傳誰寂寞秋堂下空吟小謝詩

同前

女郎劉雲

朝亦有所思暮亦有所思登樓望君處霽上蕭關道掩淚向浮雲誰知妾懷抱一作霽浮雲飛浮雲遮却一作陽關道向晚誰知妾懷抱玉井蒼苔春院深桐花落一作池盡無人掃

君子有所思

沈約

晨策終南首顧望咸陽川戚里遡層闕甲館連一作負崇阡一作複塗希傑一作紫閣重臺擬望仙巴姬幽蘭奏鄭女陽春絃共矜紅顏日一作但忘白髮年寂寞茂陵宅炫一作照曜未央蟬無以五鼎盛碩啜三徑玄

自君之出矣

鮑令暉

自君之出矣臨軒不解顏砧杵夜不發高門恒晝一作晝恒閑一作帷帷一作中浮一作中流一作帳熠燿庭前華紫蘭物枯識節異鴻歸知客寒近取暮秋盡餘思待春君一作還

同前

范雲

自君之出矣羅帳咽秋風思君如蔓草連延不可窮

同前

陳叔達一作賈馮吉



自君之出矣紅顏轉憔悴思君如明燭煎心且啣淚

同前

賈馮吉

一作陳叔達

自君之出矣明鏡罷紅粧思君如夜燭煎淚幾千行

同前

徐幹

自君之出矣明鏡不曾持一作暗思君如流水無有窮已

時

古別離

沈佺期

白水東悠悠中有西行舟舟行有反棹水去無還流奈何生別者戚上懷遠遊遠遊誰當惜所悲會難收自居間芳

麗青陽四五道皓月掩蘭室光風虛蕙樓相思無明晦長

歎累冬秋離居久一作遲暮高駕何淹留

同前

王適

昔歲驚揚柳高樓悲獨守今年芳樹枝孤栖怨別離珠簾晝不捲羅幔晚長垂苦調琴先竟愁容鏡獨知頻年鴈去

一作頻來鴈渡

無消息罷却鴛紋一作去鴛文

何用織夜還羅帳空有

情春著裙腰自無力青軒桃李落紛紛紫庭蘭蕙日氛氳

已能憔悴今如此更復含情一待君

同前

孟雲卿

朝日上高臺離人怨秋草但見萬里天不見萬里道君行

水送遠苦樂誠良

一作難保宿昔夢同衾憂心夢顛倒含酸

款誰訴展轉傷懷抱結髮年已深一作征行去何早寒暄

有時謝顛顛難再好人皆算年壽死者何曾老少壯會無



一作期水深風浩七

同前三首

趙微明

離別無遠近事歡情亦悲不聞車輪聲後會將何時去日  
忘寄書來日乖前期縱知明當還一息千萬思

二

為別未幾日一日如三秋猶疑望可見日日上高樓唯見  
分手處白蘋滿芳洲寸心寧死別不忍生離憂

同前

姚係

涼風已嫋嫋露重木蘭枝獨上高樓望行人遠不知輕寒  
入洞戶明月滿秋池燕去鴻來至年七是別離

同前

釋皎然

太湖三山口吳王在時道寂寞千載心無人見春草誰堪

忍緘默一作緘老特一作特傷懷抱孤舟畏狂風一夜一作

宿煙島望所思兮若何月蕩漾兮空波雲離離兮北斷鴻

一作鴈一作耿耿兮南多身去兮天畔心拆兮湖岸春山一作風胡

為兮塞路使我歸夢兮撩亂

同前

權德輿

人生天地間譬若六轡馳天壽既常數奈何生別離跡當

中人域正情日已哀是非千萬境杳霭情塵滋出門事何

常暫別亦難期冉冉歎流景悠上限山陂盡此一作一夕歡華

樽會前埵雞鳴東方曙風駕臨通達欲出懶一作移步欲

由難致詞兩情不得已念此曲何為天明去已遠寂默居



人歸入門復上堂  
怳怳生驚疑  
經履同遊處  
犹言常相隨  
覽物或臨盤  
翻恠來何遲  
乃知前日歡  
本為今日悲  
翻思一作持此別後心  
寧及未見時  
則知交踈分  
久久翻易持  
報君未別人一作後別後當自知

同前

孟郊

松遷山一作雲繚繞萍合路一作水分離雲去有歸日水分無  
合時芳景役双目一作春芳春色柔四肢楊柳織別愁千  
條萬條絲

潛別離

白居易

不得哭潛別離  
不得語暗相思  
兩心之外無人知  
深籠夜鎖獨栖鳥  
利劍春斷連理枝  
河水雖清濁有日一作雖濁

烏頭雖黑白有時一作有時唯有潛離與暗別  
彼此甘心無

後期

遠別離

李白

遠別離古有皇英之二女  
乃在洞庭之南瀟湘之浦  
海水直下萬里深  
誰人不言此離苦  
日慘兮雲冥  
上程上啼煙兮鬼嘯  
雨我縱言之將何補  
皇穹竊恐不照予之忠誠  
雷憑兮兮欲吼怒  
堯舜當之亦禪禹  
君失臣兮龍為魚  
權歸臣兮鼠變虎  
或云堯幽囚舜野死  
九嶷聯綿皆相似  
重瞳孤墳竟何是  
帝子泣兮綠雲開  
隨風波兮去無還  
慟哭兮遠望  
見蒼梧之深山  
蒼梧山崩湘水絕  
竹上之淚乃可

滅



久別離

前人

別來幾春未還家  
玉窓五見櫻桃花  
况有錦字書開緘  
令一作使人嗟  
此腸斷彼心絕  
雲鬢霧一作綠髮一作梳罷  
擘一作梳結愁  
如迴飈  
亂白雪  
去年寄書報陽臺  
今年寄書重相催  
東風兮東風  
為我吹行雲  
使西來待來竟不來  
落花寂寞一作衰

長別離

吳邁遠

生離不可聞  
况復長相思  
如何與君別  
當我盛一作少年時  
蕙華每搖蕩  
妾心長一作空  
自持榮乏草木歡  
悴劇霜露悲  
富貴貌難老一作難變  
貧賤顏易衰  
持此斷君腸  
君亦宜自疑  
淮陰有逸將  
折羽不曾飛  
楚有扛鼎士  
出門不得歸  
正為陰準公  
杖劍入紫微  
君才定如何  
白日下爭暉

生別離

梁簡文帝

別離四絃聲  
相思双笛引  
一去十三年  
復無數書一作好音信

同前

白居易

食藥不易食  
梅難藥能苦  
兮梅能酸  
未如生別之  
為難苦  
在心兮酸  
在肝晨雞再鳴  
殘月沒征馬  
嘶風一作連嘶行人出  
迴看骨肉哭  
一声梅酸藥苦  
甘如蜜  
黃河水白  
黃雲秋行人  
河邊相對愁  
天寒野一作路  
曠何處宿  
棠梨葉戰  
風颼颼  
生離別生離  
別憂從中一作何  
來無斷絕  
憂積一作極  
心勞血  
氣衰  
未年三十生白髮

離別曲

孟雲卿



結髮生離別相思復相保何知日已久五變庭中草耿  
火一作天海途悠上吳江島但懼一作恐不出門出門無遠道  
遠道行既難家貧衣正服一作單嚴風吹積雪晨起鼻何酸  
生人各有志一作意豈不懷所安分明上天一作天上日生死誓  
同歡

文苑英華卷第二百二

文苑英華卷第二百三

詩五十三

樂府十一

幸其泉宮歌二首

權歌五首

紹古歌五首

勞歌二首

鞠歌二首

浩歌三首

長歌三首

短歌十六首

放歌四首

幸其泉宮歌

梁簡文帝

雉歸海水寂哀來重譯通吉行五十里隨處宿離宮鼓聲  
恒入地塵飛暗上一作暗空尚書隨豹尾太史逐相風銅鳴  
周國旒旗曳楚雲一作虹紅倖臣覆射罷從騎一作妓新歌終



董桃拜金紫賢妻侍禁中不羨神仙侶排煙逐駕鴻

同前

劉孝威

漢家迎夏畢避暑甘泉宮  
機車鳴里鼓駟馬駕相風  
校尉烏丸騎待制一作詔  
樓煩弓後旌猶五柞前  
笳度九嶷才人豹尾內  
御酒屬車中輦迴百子閣  
扇動七輪風鳴鍾休衛  
士披圖召後宮材官促一作從  
校獵涼秋戲射熊

權歌

梁簡文帝

妾住在家住一作妾湘川菱歌木自便  
風生解刺一作榜浪水深能捉  
船葉亂由牽荇絲飄為折蓮  
濺粧疑薄汗霑衣似故湍  
浣紗流暫濁汰錦色還鮮  
參伺一作同趙飛燕借問李延年  
後來入絃管一作誰在權歌前

同前

盧思道

秋江見底清越女復傾城  
方舟共采摘最得可憐名  
落花流寶珥微吹動香纓  
帶垂連理濕棹奔木蘭輕  
避人一作順風傳細語因波送遠情  
誰能結錦纜薄暮隱長汀

同前

蘭岑

桂酒既潺湲緩輕舟亦乘駕  
鼓柁何所吟吟我皇唐化容與  
滄浪中淹留明月夜

同前

魏收

雲溜添春浦花木足新流  
桃發武陵岸柳拂武昌樓

同前

駱賓王

寫月塗一作畫黃罷凌波拾翠通  
鏡花搖芰日衣麝入荷風



葉密舟難滂連疎浦易空鳳媒羞自託鴛翼恨難窮愁一作  
秋帳燈光一作華翠侶樓粉色紅相思無別曲併在權歌中

紹古歌三首

梁簡文帝

翻階蛺蝶戀花情容華飛燕相逢迎誰家總角岐路陰裁  
紅点翠愁人心天窓綺井暖一作暖徘徊珠簾玉篋明鏡臺  
可憐年幾十三四工歌巧舞入人意白日西落楊柳垂含  
情弄態兩相知

二

西飛迷雀東鷲一作飛雉倡樓秦女年相值誰家天麗隣中  
止輕粧薄粉光閨里網戶一作洞房珠綴曲瓊鈎芳茵翠被香  
氣流少年上幾方三六合嬌聚態傾人目餘香落蕊坐相

催可憐絕世為誰媒

三一作擬古又  
云刘孝威作

双栖一作飛翡翠兩鴛鴦巫雲山一作洛月乍相望誰家妖冶  
折花枝衫長釧動任風吹一作使情移金鋪玉鎖琉璃扇  
花鈿寶鏡織成衣一作青鋪鎖窓琉璃美人年幾可十餘  
含羞轉一作轉笑斂風裾珠丸出彈不可追空曲可憐持與

誰

此詩二百五卷重出今已削去注異同為一首

同前

陳後主

池側鴛鴦春日鶯綠珠絳樹相逢迎誰家住麗過淇上翠  
釵綺袖波中漾雕軒綉戶花恒發珠簾玉砌移明月年時



二七猶未筭轉碩流盼鬢髮低風飛葉落時一作何故可惜可憐空擲度

同前

南飛烏鵲北飛鴻弄玉蘭香時會同誰家可憐出窓牖春心萬媚勝楊柳銀床金屋挂流蘇寶鏡玉釵橫珊瑚今年一作年時二八新紅臉宜笑宜歌羞更飲風花一去春一作不歸只為無双一作惜舞衣

勞歌

伍緝之

幼童輕歲月謂為一作言可久長一朝見零悴歎息向愁荒一作秋霜迤邐已窮極疼疾一作痾復不康每恐死及我朝露見日光一作每恐先朝一作露不見白日光庶幾一作及盛年時驚逐情所忘一作暫逐

情所望 吉辰既乖牙一作趣一作來期耿未央促七歲月盡窮年空怨傷

同前

蕭摛

百年能幾許公事罷平生寄言任意正誰憐李少卿

鞠歌行

李白

玉不自言勝一作如一作桃李魚目笑之下和耻楚國青蝇何太多連城白璧遭讒毀荆山長號泣血人忠臣死為剛足鬼听曲知審戚夷吾因小妻秦穆五羊皮買死百里奚洗拂青雲上當時賤如泥朝歌鼓刀叟虎變磻溪中一竿釣六合遂荒營丘東平生渭川水一作曲誰教識一作此老翁奈何今之人双目送飛鴻



同前

麗莫似漢宮妃，謙莫似黃家女。黃女持謙齒，髮高漢妃特。  
麗天廷去，人生容德不自保。聖人安用推天道，君不見蔡  
澤嵌枯詭恠之形狀。大言直取秦丞相，又不見田千秋才  
智不出人。一朝富貴如有神，二侯行事在方冊。泣麟老人  
終困厄，夜光抱恨良嘆一作撲悲日月逝矣，吾何之。

浩歌

權德輿

杖策出蓬華，浩歌愁興長。北風吹荷衣，蕭颯景氣涼。通達  
抵山郭，里巷連湖光。孤雲淨遠峯，綠水溢方塘。魚鳥樂天  
性，雜英互芬芳。我心獨何為，萬慮紫中腸。履道身未泰，主  
家謀不臧。心為世教牽，跡寄翰墨場。出處而未定，羈孤一作  
羸空自傷。沉憂不可裁，佇立河之梁。晚歸茅簷下，左右陳  
壺觴。獨酌復長謠，放心遊八荒。得喪同一域，是非亦何常。  
胡為苦此生，兀兀徒自強。乃知盃中物，可令一作使憂患亡。  
一作忘因此謝時輩，棲息無何鄉。

同前

白居易

天長地久無終畢，昨夜今朝又明日。鬢髮滄浪牙齒疎，不  
覓身年四十七。前去五十有幾年，把鏡照面心茫然。既無  
長繩繫白日，又無大藥駐朱顏。朱顏日夜不如故，青史功  
名在何處。欲留年少待富貴，富貴不來年少去。去去復去兮，  
如長河東流赴海無迴波。賢愚貴賤同歸盡，北邙塚墓高  
嵯峨。古來如此非獨我，未死有酒且高歌。一作醉顏回短命



伯夷餓我今所得亦已多功名富貴須推一作命苟不  
來一作命若不知奈何

同前

李賀

南風吹山作平地帝遣天吳移海水王母桃花千遍紅彭  
祖巫咸幾迴死青毛駿一作馬參差錢嬌春楊柳含湘一作  
細煙箏人勸我金屈卮神血未寧身是一作問誰不須亂舞  
一作浪飲下都護世上英雄本無上買絲綉作平原君有酒唯  
澆趙州土漏催水咽玉蟾蜍衛娘髮一作髮薄不勝梳看一作  
差見秋眉換深一作新綠一作看世上男兒那剩促

長歌行

鮑明遠一作沈約

春隰夷綠柳寒墀積皓雪依依往紀盈霏一作來思結思結  
纏歲晏曾是掩初節初節曾不掩浮榮逐弦缺弦缺更圓  
合浮榮永沉滅色隨夏蓮變髮與秋霜羞道迫無異期賢  
愚有同絕銜恨豈云亡天道無甄別功名識所職竹帛尋  
摧裂生外苟難尋坐為長歎說一作說

同前

王昌齡

曠野饒悲風颭口稿黃一作蒿草繫馬倚一作停白楊誰知我  
懷抱所是同抱者相逢盡衰老北一作况登漢家陵南望長  
安道上有枯一作古樹根下有鼯一作鼯鼠巢高皇子孫  
盡千載一作古無人過寶玉頻發掘精靈其若一作柰何人生  
須達命有酒且長歌

同前

劉復



淮南木落秋雲飛楚宮商歌今正悲青春白日不與我當  
壚舉酒勸君持出門驅上四方事徒用辛勤不得意三山  
海底無見期百齡世間莫虛棄君不見金城帝業漢家有  
東制諸侯歆長久奸雄竊命風塵昏函谷重關不能守龍  
蛇出沒經兩朝胡虜憑陵大道銷河水東流宮闕虛五陵  
松栢日蕭上

短歌

徐謙

窮通皆是運榮辱豈關身不願一作門前客看時逢故人

同前

意氣青雲裏爽朗煙霞外不羨一囊錢唯重心襟會

同前二首

送初歸事歸合州因寄蘇使君

杜甫

前者途中一相見人事經年記君面後生相勸何寂寥君  
有長才不貧賤君今起拖春江流奈亦沙邊具小舟幸為  
達書賢府主江花未盡會江樓

二贈王郎  
司直

王郎酒酣拔劍斫地歌莫哀我能拔爾抑塞磊落之奇才  
豫章翻風白日動鯨魚跋浪滄溟開且脫佩劍休徘徊西  
得諸侯棹錦水欲向何門跋朱履仲宣樓頭春已深青眼  
高歌望吾子眼中之人吾老矣

同前

李白

白日何短短百年苦易滿蒼穹浩茫上萬劫太極長麻姑  
垂兩鬢一半已成霜天公見玉女大笑憶千場吾欲攬六



龍迴車挂扶桑北斗酌美酒勸龍各一觴富貴非所願為  
人駐顏光

同前文粹作悲歌三首

頌况

邊城路今人犁田昔人墓岸上沙昔時江水今人家今人  
昔人共長歎四氣相催節迴換明月皎々入華池白雲離  
離度清漢我欲昇天天隔霄我欲渡水水無橋我欲上山  
山路險我欲汲井井泉遙越人翠被今何夕獨立沙邊江  
草碧紫燕西飛欲寄書白雲何處逢來客

一作  
臨跡

二

新繫青絲百尺繩心在君家轆轤上我心皎潔君不知轆  
轤一轉一惆悵何處春風吹曉幕江南淥水通朱閣美人

二八顏如花泣向春

一作  
東

風畏花落臨春風聽春鳥別時

多見時少愁人一夜不得眠瑤井玉繩相對曉

三

軒轅黃帝初得仙昇湖一去三千年周流三十六洞天洞  
中日月星辰聯騎龍駕景遊八極軒轅弓劍無人識東海  
青童寄消息

本集自臨春風至軒轅以下為一首列之第三篇文  
苑所載多脫略今從文粹及集本添入但不用序文

同前二首

白居易

世人求富貴多為奉身一作  
嗜欲盛衰不自由得失常相逐  
聞君少年日苦李將干祿負芟塵中遊抱書雪前讀布衾



不周体藜茹纔充腹四一作十登官途五十被朝服奴温  
新挾纊馬飽初食粟未敢議歡遊尚為名檢束耳目聾暗  
後堂上調絲竹牙齒缺落時盤中堆酒肉彼來此已去外  
餘中不足少壯與榮華相避如寒燠青雲去地遠白日經  
天速從古無奈何短歌空一作一曲

二

矍矍太陽如火色上行千里下一刻出為白晝入為夜團  
轉如珠住不得住不得可奈何為君奉酒歌短歌七声苦  
詞亦苦四座少年君聽取今夕未竟明旦催秋風總徃春  
風迴人無根蒂時不駐朱顏白日相隳頽勸君且強笑一  
面勸君復強飲一盃人生不得長歡樂年少須臾老到來

同前

馮著

寂上草中蘭亭七山上松貞芳日有分生長耐相容結根  
各得地幸沾雨露功參辰無停泊且頽一西東君但開懷  
抱猜恨莫忽七

同前

釋皎然

古人若不死吾亦何所悲蕭七煙雨九原上白楊青松莖  
者誰貴賤同一塵死生同一指人生萬代一作在世共如此何  
似一作浮雲與流水短歌行短歌無窮日已傾鄴宮梁苑  
徒有名春草秋風傷我情何為不孝金仙侶一悟空王無  
死生

同前

聶夷中



八月木陰一作薄十葉三墮枝人生過五十亦已同此時

朝出東郭門嘉樹鬱參差暮出西郭門原草已離披南隣

好臺榭北隣善歌吹榮華忽銷散一作四顧令人悲生死

與榮辱四者乃常期古人耻其名沒世無人知無言髮似

霜勿謂事一作髮如絲耆年無一善何殊食乳兒

同前

釋子蘭

日月何忙忙出沒任不得使我勇壯心少年如頃刻人生

石火光通時少與塞四季倏往來寒暑變為賊偷人面上

花奪人頭上黑

同前

司空圖

烏飛上兔蹶上朝來暮去催時節女媧只解補青天不解

煎膠粘日月

同前

王貞白

物候來相續新蟬送晚鶯百年休倚賴一夢甚分明金鼎

神仙隱一作銅壺晝夜傾不如早立德萬古有其名

放歌行

南望一作洛陽津西望十二樓明堂坐天子月朔朝諸侯

清樂動千門皇風被九州慶雲從東來決滂抱日流昇平

貴論道文墨將何求有詔徵草澤微誠將獻謀一作獻一作冠

冕如星羅拜揖曹與周望塵非吾事入職一作賦一作日遲一作雷幸

蒙國士識自因一作脫負薪裘今者放歌行以慰梁甫愁位

榮數斗祿奉義本一作養母一作豐羞願一作若得金膏遂飛雲亦可



壽一作侍

同前

李頎

少年李文耻李武世上功名不解取  
雖沾寸禄已後時徒欲出身仕明主  
栢梁賦詩不及宴長揪走馬誰相數  
歛迹俛眉心自高含歌擊節声半苦  
由是嗟訖一丈夫養鷄牧豕東城隅  
空歌漢代蕭相國肯事霍家馮子都  
虛爾當年名籍上濫作詞林两京客  
故人斗酒安隱橋黃鳥春風洛陽陌  
吾家少弟才不羈五言破的人共推  
興来逸氣如湓湧千里長江歸海時  
別離短景何蕭索佳句相思能問作  
牽頭南望魯陽山木葉紛上向人落

同前

孟雲卿

吾觀天地圖世界亦何小落上大海中  
飄浮数洲島賢愚與蟻虱一種同  
草上地脉日夜流天衣有時掃東山  
謁居士了我生死道自見難嗟  
臍心通可親腦軒皇竟磨滅周  
孔亦衰老永謝當時人吾將寶非寶

同前

權德輿

夕陽不駐東流急榮名貴在當年立  
青春虛度無所成白首銜悲亦何及  
拂衣西笑出東山君臣道合俄頃間  
一言一笑玉墀上变化生涯如等閒  
朱門香上列華戟坐中皆是王侯客  
鳴環動珮暗珊珊上駿馬花驄白玉鞍  
十年斗酒不知貴半醉曲賓邀盡歡  
銀燈一作煌上夜将久侍婢金壘  
鴈春酒春酒盛来琥珀光暗聞蘭麝  
幾般香乍看皓腕



映羅袖微聽清歌發杏梁雙鬟美人君不見一一皆勝趙  
飛燕迎材乍牽石榴裙勻粉時交合歡扇未央鍾漏醉中  
聞曉騎朝天曙色分雙闕烟雲遙靄七五衢車馬亂紛七  
罷朝鳴佩驟歸鞍今日還同昨日歡歲七年七恣遊讌出  
門滿路光輝遍一身自樂何足言九族為榮真可羨男兒  
稱意須及時閉門下帷人不知年光看逐轉蓬盡徒詠東  
山招隱詩

文苑英華卷第一百三

文苑英華卷第二百四

詩五十四

樂府十三

長門怨二十首

長信宮五首

西宮秋一作愁怨二首

昭君怨三十五首

班婕妤怨九首

銅雀臺七首

銅雀妓九首

湘妃怨二首

長門怨

喬備

秋入長門殿木落洞房虛妾思宵夜靜君恩日更疎墜露  
清金閣流螢點玉除還將閨裏恨遙問馬相如

同前

沈佺期

月皎風冷七長門吹掖庭玉階聞墜葉羅幌見飛螢清露



凝珠綴流塵下翠屏妾心君未察愁嘆劇繁星

同前

崔顥

君王寵初歇棄妾長門宮紫殿青苔滿高樓明月空夜愁  
生枕席春意罷簾櫳泣盡無人問容華落鏡中

同前

劉長卿

何事長門閉珠簾只自垂月移深殿早春向後宮遲蕙草  
生閑地梨花發舊枝芳菲似思幸看着一作却被風吹

同前

岑參

君王嫌妾妬閉妾在長門舞袖垂新寵愁眉結旧恩綠錢  
侵一作生履跡紅粉濕啼痕羞被天桃一作桃花笑看春獨不言

同前

賈至

獨坐思千里春庭曉景長鶯喧翡翠幙柳覆鬱金香舞蝶  
縈愁緒繁一作花對靚粧深情託瑤瑟絃斷不成章

同前

盧綸

空宮古廊殿寒月落斜暉臥聽未央曲滿箱歌舞衣

同前

釋皎然

春風日月閉長門搖動春心似夢寃若遣花開只笑妾不  
如桃李自一作正無言

同前

戴叔倫

自憶專房寵曾居第一流移思向他處一作向處去暫妬  
不容收夜靜一作夕管絃一作絃管絕月明宮殿秋空將舊時意  
長望鳳凰樓



同前

裴文泰一作交太

自閉長門經幾秋羅衣濕盡淚還流一種蛾眉明月夜南宮歌吹一作管北宮愁

同前

齊澣

宮殿沉上月欲分昭陽更漏不堪聞珊瑚枕上千行淚不  
是思君是恨君一作半是思君半恨君

同前

劉臬

營上孤思通寂上長門夜夕一作夕妾妬亦知非一作君君恩那  
不借惜一作惜携琴就玉塔調悲聲未諧將心寄一作記明月流  
影入君懷

同前

劉言史

獨坐爐邊結夜愁暫時恩去亦難收一作曲手持金筋垂紅  
淚亂捲寒灰不奔頭

同前

耿緯

聞道昭陽宴頓城落葉中清歌逐寒月遙夜入深宮

同前

楊衡

絲聲繁兮管聲急珠簾不捲風吹入萬遍凝愁枕上聽千  
迴候命花間立望望昭陽信不來迴眸獨掩紅巾泣

同前

劉綬

雨滴梧桐秋夜長愁心和淚一作雨到昭陽啼痕不奈君恩  
斷拭却千行更萬行

同前

劉得仁



爭得一人聞此怨長門深夜有妍姝早知雨露翻相誤只  
插荆釵嫁匹夫

同前

張喬

御泉長統鳳凰樓自一作只是恩波別處流閑蝶舞衣歸未  
得夜來砧杵六宮秋

同前二首

王貞白

寂寞故宮春殘燈曉尚存從來非妾過一作妬偶爾失君恩  
花落傷容髮鶯啼驚夢魂翠華如可待應免老長門

二

葉落長門靜苔生永巷幽相思對明月独坐向空樓鑿駕  
迷終轉蛾眉老自愁昭陽歌舞伴此夕未知秋

右長門怨詩刘皐耿緯楊衡刘緩王貞白第二首皆用  
昭陽字按昭陽乃趙飛燕事與陳后長門宮不相關此

所未詳

長信宮

一作婕妤  
好怨

崔国輔

長信宮中草年一作愁處生為一作故侵珠履跡不使玉階  
行

同前一作長信  
怨二首

金井梧桐秋葉黃珠簾不捲夜來霜薰籠一作金爐玉枕無顏  
色臥聽南宮一作宮中清漏長

二

奉帚平明秋金一作殿開且暫一作將團扇共徘徊玉顏不及



寒鴉色猶帶昭陽日影來

右三首此集元在長門怨中今以文粹及郭茂倩樂府  
改作長信宮

同前

田氏

團圓手中扇昔為君所持今日君棄捐復值秋風時悲將  
入篋筭自嘆如何為

同前

刘方平

夢裏君王近宮中河漢高秋風能再熱團扇不辭勞

同前

王昌齡

芙蓉不及美人粧水殿風來珠翠香誰問一作分含啼掩秋

扇空懸明月待君王

二

西宮夜靜百花香欲捲珠簾春恨長斜抱雲和深見月朧  
朧樹色隱昭陽

昭君怨

梁簡文帝

玉艷光瑤質金鈿婉黛紅一去葡萄觀長別披香宮秋蟾  
照漢月愁帳入胡風妙工偏見詆無由情恨通

同前

沈約

朝發披香殿夕濟汾陰河於茲懷九折自此歛双蛾  
露粧如一作疑湛露繞臉一作曉狀流波日見奔沙起稍覓轉蓬多  
胡風犯肌骨非直傷綺羅銜涕試南望關山鬱嵯峨始作  
傷春曲終成苦寒歌唯有三五夜明月暫經過



同前

武陵王

塞外無春色邊城有風霜誰堪覽明鏡持許照紅粧

同前

何遜一作文

昔聞別鶴弄已自軫離情今未昭君曲還悲秋草并

同前

梁王叔英妻劉氏

一生竟何定萬事良一作最難保丹青失舊儀玉匣成秋草

想妾辭閨淚至今猶未燥漢使汝南還殷勤為人道

同前二首

梁范靜妻沈氏

早信丹青巧重賂一作貨洛陽毛延壽長安人作洛陽非師千金畫一作貢

蟬髮百萬寫蛾眉

二

今朝猶漢地明旦入胡關高堂歌吹少遊子夢中還一作情寄

南雲反思  
逐北風還

同前

梁施榮泰

重羅下椒閣牽袖拂胡塵寂寞一作嗚撫心嘆蛾眉誤殺人

同前

張正見

塞樹暗胡塵霜樓明漢月淚染上春衣憂變華年髮

同前

陰鏗一作東昭

跨鞍今永訣垂淚別親安漢地隨行盡胡關逐望新交河

擁寒霧一作露隴日一作首閨沙塵唯有孤明月猶能送遠一作

送人

同前二首

庾信



拭啼辭戚里迴顧望昭陽鏡失菱花影釵除却月梁圍腰  
無一尺垂淚有千行綠衫承馬汗紅袖拂秋霜別曲真多  
恨哀絃須更張

二

斂眉光祿塞遙望夫人城片上紅粧落双上淚眼生冰河  
牽馬度雪路抱鞍行朔風入骨冷夜月照心明方調琴上  
曲變作胡笳聲

同前

陳後主

圖形漢宮裏遙聘單于庭狼山聚雲暗龍沙飛雪輕笳吟  
度隴咽笛轉出關鳴啼粧塞一作寒葉下初月愁眉生一作愁眉  
初生只餘馬上曲猶作別時聲

同前

薛道衡

我本良家子充選入椒庭不蒙女使進更失畫師情蛾眉  
非本質蟬髮改真形專由妾命薄一作寒誤使君恩輕啼露  
一作落渭橋路嘆別長安城夜依一作今夜寒草宿朝逐一作朝上轉  
逢征却望關山迥前瞻沙漠平胡風帶秋月嘶馬雜笳聲  
毛裘易羅綺毡帳代帷屏自知蓮臉歇羞看菱花明釵落  
終應棄髮一作髮鮮不須索何用單于重詐假閼氏名駃騠  
聊強食桐酒未能傾心隨故鄉斷愁逐塞雲生漢宮如有  
憶為視旄頭星

同前

盧照隣

金殿恩中絕交河使漸稀肝腸隨一作群玉輦形影向金微



漢宮草應綠胡庭沙正飛願逐三秋鴈年七一度歸

同前

駱賓王

歛容辭豹尾緘恨怨一作度龍鱗金鈿明漢月玉筋染胡塵

粧古一作鏡菱花暗愁眉柳葉頰唯有清笳曲時聞芳樹春

同前

張文琮

我途飛萬里回首望三春忽見天上雪還疑上苑春玉痕

垂淚粉粉一作羅袂拂胡塵為得夢中曲還悲遠嫁人

同前二首

董思恭

琵琶馬上彈行路曲中難漢月正南遠燕山直北寒鬢髮

風拂亂一作眉黛雪沾殘斟酌紅顏改一作徒勞握鏡看

一作何勞鏡裏看

二

新年猶尚小那堪遠聘秦裾衫沾馬汗眉黛染胡塵牽眼無相識路逢皆異人唯有梅將李猶帶故鄉春

同前三首

陳方虬

漢道今一作全盛朝廷足武臣何煩一作薄命妾辛苦遠

和親

二

揜涕辭丹鳳銜悲向白龍單于浪驚喜無復舊時容

三

塞外無青草一作胡越春來不似春自然衣帶緩非是覓

一作腰身



同前

郭元振

聞有河南一作南河信傳言殺盡師始知君念一作惠重更復惜一作遣盡蛾眉

同前

銜悲出漢關落淚洒胡鞍  
關榆三夏凍塞柳九春寒  
眉任愁中結腰隨帶裏寬  
別曲易悞斷哀絃不忍彈

同前

顧朝陽

莫將鉛粉匣不用鏡花光  
一去邊城路何情更畫粧  
影銷胡地月衣盡漢宮香  
妾死非關命都抵一作緣怨斷腸

同前

王官儀

玉關春色晚一作晚金河路幾千  
琴悲桂條上笛怨柳花前  
霧掩臨粧鳳一作月風驚入髮蟬  
緘書待還使淚盡白高一作

雲又天作日

同前二首

李白

漢家秦地月流影送明妃  
一上玉關道天涯去不歸  
漢月遠從東方出明妃西嫁無來日  
臙脂長塞霜作花媚眉顛  
額沒胡沙生乏黃金枉圖畫死  
苗青塚使人嗟

二

昭君拂玉鞍上馬啼紅頰  
今日漢宮人明朝胡地妾

同前二首

儲光羲

日暮驚沙亂雪飛  
傍人相勸易羅衣  
強來前帳看歌舞  
共待單于夜獵歸



二

胡王知妾不勝悲樂府皆傳漢國詞朝來馬上篳篥引稍  
似雲一作宮中閑夜時

同前

釋皎然

自倚嬋娟望主恩誰知美惡忽相翻黃金不買漢宮貌青  
塚空埋胡地魂

同前

梁氏瓊

自古有一作死和親天移一作照到妾身朔一作胡風嘶去馬漢  
月弔行輪衣薄狼山雪粧成虜塞春回看父母國生死畢  
胡塵

同前

白居易

明妃風貌最娉婷合在椒房應四星一作年備宮  
掖何曾專夜奉帳一作帟屏見疎從道迷圖畫知屈那教配  
虜庭自是君恩薄如紙不須一向恨丹青

同前二首

時年十七

前人

滿面胡沙滿面風眉銷殘黛臉銷紅愁苦辛勤顛顛盡如  
今都似畫圖中

二

漢使却迴憑寄語黃金何日贖蛾眉君王若問妾顏色莫  
道不如宮裏時

班婕妤怨

梁孔翁歸

長門與長信日暮九重空雷聲聽隱上車響絕籠一作



恩光随妙舞團扇逐秋風  
鈴花誰不見一作慕  
人意自難同一作終

同前

梁列孝綽

應門寂已閉非復後庭時  
况在青春日萋萋綠草滋  
妾身似秋扇君恩絕履綦  
誰一作詎憶遊輕輦徒令一作從賤妾辭

同前

梁何思澄

寂上長信晚雀声愁洞房  
蜘蛛網高閣駭蘇被長廊  
虛殿簾帷寂閉塔花藥香  
悠上視日暮還復守一作拂空床

同前

梁徐俳妻刘氏

日暮應門閉愁思百端生  
况復昭陽近風傳歌吹声  
寵移真一作終不恨詭枉太無情  
抵言爭分理非妬一作妬舞腰輕

同前

陳陰鏗

栢梁新寵盛長信昔恩傾  
誰為諸人巧一作詩書重翻為歌舞  
輕花月分窓進苔草共塔生  
睫一作妾淚衫前滿單眠一作夢魂  
裏驚可惜逢秋扇何用合歡名

同前

崔湜

不分君恩断新粧視鏡中  
容華尚春日嬌色已秋風  
枕席臨燈一作窓曉屏帳一作惟屏向月空  
年上後庭樹榮落在深宮

同前

王維

宮殿生秋草君王寵恩一作息幸陳那  
堪聞鳳吹門外度金輦

同前

女郎刘雲

君恩不可再見一作見妾豈如秋扇  
秋扇尚有時妾身永微賤



莫言朝花不復落嬌容幾奪昭陽殿

同前

陳標

掌上恩移玉帳空香珠滿眼泣春風飄零怨柳凋眉翠狼籍愁桃墜臉紅鳳輦祗應三殿北鳶聲不散玉湖中笙歌處迴天睠獨自無情長信宮

銅雀臺

荀仲奉

高臺秋色晚銅雀一作直置已淒然况復歸風便松聲入

管一作斷絃淡逐梁塵下心隨團扇捐誰堪三五夜空對月

光圓

同前

張正見

荒涼銅雀晚搖落墓田通雲慘當歌日松吟欲舞風人踈

瑤席冷曲罷總帷空可惜年一作將淡俱盡望陵中

同前

刘廷琦

銅雀宮觀委灰塵魏王園陵漳水濱即今西望猶堪思况

復當時歌舞人

同前

賈至

日暮銅臺靜西陵烏雀歸撫絃心斷絕聽管淚霏微一作霏

靈樞臨期莫空床卷寢衣蒼一作川上月應照妾魂飛

同前

馬戴

烏還鳴玉座人難想一作到銅臺兩滴平

西陵樹不見漳浦草空生萬恨盡埋此徒縣千載名

同前

女郎張琰一作琰



君王冥漠不可見  
銅雀歌舞空徘徊  
西陵情已悲  
宿鳥高殿沉  
閉青苔  
青苔無人跡  
紅粉空自哀

同前

女郎程長文

君王去後行人絕  
蕭管不響歌喉咽  
雄劍無威光彩沉  
寶琴零落金星滅  
玉塔寂寂墜秋露  
月照當時歌舞處  
當時歌舞人不迴  
化為今日西陵灰

銅雀妓

何遜

秋風木葉落  
蕭瑟管絃清  
望陵歌對酒  
向帳舞空城  
寂寂庭簷宇  
曠飄飄帷幔輕  
曲終相顧起  
日暮松栢聲

同前

劉孝綽

雀臺三五日  
絃歌吹似佳  
期况復更對西  
陵晚松風吹

總一作飄素惟危弦  
斷復續一作更接妾心傷一作傷於此時誰言留  
客袂還一作翻掩望陵悲

同前

喬知之

金閣早一作惜分香  
鈴華不重粧  
空餘強歌舞一作歌舞地猶是為君  
王哀絃調已絕  
曲艷不須長  
共看西陵暮  
秋烟生白楊

同前

商高

日暮銅雀迴  
秋一作幽深玉座清  
蕭森松栢望  
委鬱羅綺一作綺情君恩不再得  
再一作重妾舞為誰輕

同前

李邕

西陵望何及  
絃管徒在絃  
誰言死者益  
但令生者悲  
丈夫



有餘志兒女焉足私擾上多俗情投迹牙相師直節豈感  
激荒淫乃淒其穎水有許由西山有伯夷頌聲何寂寥唯  
聞銅雀詩君奉良未易永為後代嗤

同前

釋皎然

強開樽酒向陵看憶得君王舊日歡不覓餘歌悲自斷非  
閔艷色一作轉聲難

同前

朱放

恨唱歌聲咽愁翻舞袖遲西陵日欲暮是妾斷腸時

同前

刘方平

遣令奉君王嘯娥強一粧歲移陵樹色恩在舞衣香玉座  
生秋氣銅臺下夕陽淡痕沾并幹舞袖為誰長

同前

歐陽詹

蕭條登古臺迴首黃金屋落葉不歸林高陵永為谷粧容  
徒自麗舞態闋誰日惆悵總惟空一作嗚咽歌聲苦於哭

湘妃怨

陳羽

二妃愁一作怨處雲沉上二妃怨一作哭處湘江一作深商人  
酒滴廟前草蕭索一作塞風生斑竹林

同前

王貞白

舜欲省蠻陬南巡非逸遊九山沉白日二女泣滄洲日極  
楚雲斷恨深湘水流至今聞鼓瑟咽絕不勝愁



文苑英華卷第二百四

文苑英華卷第二百五

詩五十四

樂府十四

古意三十三首

擬古十四首

古意三首

梁吳均

雜虜寇銅鞮征後去三齊扶山剪疎勒傍海掃沉黎光夜

悉如一作電夜一作如電馬汗盡成泥何當見天子畫地取

關西

此詩一百九十六卷重出今已削去注異同為一作

二

匈奴數欲盡僕在玉門關蓮花穿劍鏑秋月掩刀環春机

鳴窈窕夏木思一作鳥鳴一作綿蜚中人坐相望狂夫終不還



西都盛冠蓋九達塵霧塞中有惡少年伎能專自得玉鞭  
蓮花紐金莖流星勒聊為路傍人寫鞚長楸北

同前

王僧孺

青絲一作控被燕馬紫艾飾吳刀朝風吹錦帶晚一作落日暎  
珠袍陸離閑右客照耀山西豪雖非季詭遇終是任逢遭  
人生會有死得處如鴻毛寧能若偶一作雞鷲寂上隱蓬蒿

同前

劉孝綽

燕趙多佳麗白日照紅粧蕩子十年別羅衣双帶長春樓  
怨難守玉塔悲自傷復城歸飛燕一作對此銜泥達曲房  
差池入綺幙上下傍雕梁故居猶尚爾故人何安一作可忘

相思昏望絕宿昔夢容光覩交忽在御轉側定他鄉徒然

願一作願枕席誰與同衣裳空使蘭膏夜烟上对繁霜

此詩二百四十七卷重出今已削去注異同為一作

同前

逶迤臨雲雨蛾眉戲瓊璫一作璫臺對酒自嬌笑君王肯下來  
擊鼓雷闌上選妓紛呈才錫宴池上子精蒐醉不迴指日  
窮所樂豈知殷運開孤舟一遙放層構成塵埃

長安古意一首

盧照隣

長安大道連狹斜青牛白馬七香車玉輦縱橫過主第金  
鞭絡繹向侯家龍銜寶蓋承朝日鳳吐流蘇帶晚霞百丈  
遊絲爭繞樹一群嬌鳥共啼花啼花戲蝶千門側碧樹銀



臺萬種色複道交窓作合歡  
雙闕連甍垂鳳翼梁家盡閣  
天中起漢帝金莖雲外直  
樓前相望不相知陌上相逢  
詎相識借問吹簫向紫烟  
曾經李舞度芳年得成比日  
何辭死願作鴛鴦不羨仙  
比目鴛鴦真可羨  
雙去雙來君不見  
生憎帳額綉孤鴛  
好取開簾帖  
雙燕雙飛  
逸畫梁羅帷翠被鬱  
金香片  
行雲著  
蟬髮纖纖  
初月上  
鴨鬟淡黃粉  
白車中出  
含嬌含態  
情非一  
妖童寶馬  
鐵連錢  
侶婦盤龍  
金屈膝  
御史府中  
烏夜啼  
廷尉門前  
雀欲棲  
隱  
朱城臨  
玉道遙  
翠憶沒  
金堤  
挾彈飛鷹  
杜陵北  
探丸借客  
渭橋西  
俱邀俠客  
芙蓉劍  
共宿倡家  
桃李蹊  
倡家日暮  
紫羅裙  
清歌一轉  
口氣氤氳  
北堂夜  
人如月  
南陌朝  
騎似雲

南陌北堂連  
北里五劇三條控  
三市弱柳青槐  
拂地垂佳氣  
紅塵暗天起  
漢代金吾千騎  
來翡翠屠蘇  
鸚鵡杯羅襦  
空帶為君解  
燕歌趙舞為君  
開別有豪華  
稱將相轉日迴  
天不相讓  
意氣猶來排  
灌夫專權  
判不容蕭相  
專權意氣本  
英雄青虬紫  
燕坐生風  
自矜歌舞  
長千載自謂  
驕奢陵五公  
節物風光不  
相待桑田碧  
海湏臾改  
昔時金塔白  
玉堂即今唯  
見青松在  
寂寥  
揚子居年  
歲一林書  
獨有南山  
桂華  
飛來飛去  
襲人裾

古意二首

沈佺期

盧家少一作婦對金堂  
海燕雙栖  
玳瑁梁  
九月寒砧  
催下葉  
十年征戍  
憶遼陽  
白狼河北  
軍一作音書  
斷丹鳳城南秋



夜長誰知含情一愁

獨不語一作見

使妾明月對

一作照流黃

二

八月涼風動高閣三千一作金麗人卷綃幕已憐地上歌  
芳菲不見君恩復搖落世上榮枯如轉蓬是時阡陌暮雲中  
飛燕恃寵昭陽殿班姬飲恨長信宮長信宮昭陽殿春來  
歌舞妾自知秋至簾櫳君不見古時羸女厭世紛季吹鳳  
簫乘絲雲含情轉睐向蕭史千載童顏持贈君

同前

邢象玉

家中酒新熟園菓木初榮停杯欲取醉抱然思友生忽聞  
有奇客何姓復何名嗜酒陶彭澤能琴阮步兵何須問寒  
暑徑共生山亭奉袂祛啼鳥揚巾掃落英心神無俗累歌  
詠有新聲新聲是何曲滄浪之水清

同前和李白侍即

喬知之

妾家巫山隔漢川君度南庭向胡宛高楼迢迢想金天河  
漢昭回更悽然夜如何其夜未央閑花照月愁洞房自矜  
夫婿勝王昌三十曾作侍中郎一從流落成漁陽懷哉萬  
恨結中腸南山霧上兔絲花北陵青上女蘿樹由來花葉  
同一根今日枝條分兩處三星差池光照燭北斗西指秋  
雲薄莖枯綠謝葉憔悴香消花盡色零落美人長嘆艷容  
萎含情收取摧折枝調絲獨彈聲未移一作調絃感君  
行坐星歲遲閨中宛轉今若斯一作善思誰能為報征人知

同前

吳少微



洛陽芳草向春開洛陽女兒平日來流車走馬紛相催推  
一作折芳瑤草向曲臺曲臺自有千萬行重花累葉間出楊  
北林朝日錦明光南園微風蘇合香可憐窈窕女下作邯  
鄲倡妙舞輕迴拂長袖高歌浩唱發清商歌終舞罷歡無  
極樂往悲來長歎息陽春白日不少留紅榮一作花碧樹無  
顏色碧樹風花先春度珠簾粉澤無人顧如何年少忽違  
暮坐見明月與白露白露明月夜已寒香衣錦帶空珊瑚  
今日陽春一妙曲鳳凰樓上與君彈

同前

符列

昨夜巫山中失却陽臺女今日粧閣裏獨伴楚王語

同前

常建

井底王冰動地明琥珀轆轤青絲索仙人騎鳳披綵霞挽  
上銀瓶照天閣黃金作身双飛龍口銜明月噴芙蓉一時  
渡海望不見曉上青樓十二重

同前

崔顥

十五嫁王昌盈上出畫堂自矜年正小復倚塔為郎舞爰  
前溪綠歌憐子夜長閑時聞百草度日不成粧

同前六首

崔國輔

遺却珊瑚鞭白馬驕不行章臺折楊柳春日路傍情  
此詩一百九十四卷重出今已削去

二

玉籠薰羅裳着罷眠洞房不能春風裏吹却闌麝香



三

湖南與君別湖北憶君歸湖裏鴛鴦起双双他自飛

四

種棘遮靡蕪畏人來摘殺比至狂夫還看上幾花殘

五

歸來日尚早却欲向芳洲渡口水流急迴船不自由

六

淨掃黃金塔飛霜厚如雪下簾彈箏篔篹不忍見秋月

同前

李頎

男兒事長征生作一作幽燕客賭一作勝馬蹄下由來輕

七尺殺人莫敢前髮如蝟毛磔黃金隴底白雲飛未得報

恩不得歸遼東小婦年十五慣彈琵琶會歌舞合為羌笛

出塞聲使我三軍淚如雨

同前

崔曙

綠筍總成行紅花亦成子能當此時好獨自幽閨裏夜上

苦更長愁來不如死

同前

崔萱

灼上葉中花夏萎春又芳明上天上月蟾缺園復光來如

君子情朝違夕已忘玉帳枕猶暖執扇思何長願因西南

風吹上玳瑁床嬌眠錦衾裏宛轉双鴛鴦

同前

戴伏玘

窮秋朔風起滄海愁陰漲虜騎掠河南漢兵屯灞上羽書



驚沙漠刁斗，澶亭障，關塞何蒼茫。邊烽逆相望，弱竈負雄  
節，俠客多招訪。投筆棄書生，提戈逐飛將。拔劍照霜白，怒  
髮衝冠壯。會立萬里功，視君封侯相。

同前

權德輿

家人強進酒，後能忘情持杯未飲時。衆感紛已盈，明月  
照我旁房。一作庭柯振秋聲，空庭白露下，枕席涼風生。所思  
萬里餘，水闊山縱橫。佳期憑夢想，未曉愁雞鳴。願得一心  
人，當年歡樂并。長筵映玉姐，素指一作手彈秦箏。曠睇呈巧  
笑，惠音激淒清。此願良未果，永懷空如醒。

同前三首

戲贈陸大夫十二丈

孟郊

蓮子不可得，荷花生水中。猶勝道傍柳，無事一作時蕩春意。

二

綠萍乘荷葉，同在一泉。一作此中風吹荷葉，在綠萍西復  
東。

三

蓮花不開一作葉，時苦心終日。卷春水風一作徒蕩漾，荷花  
未開展。

同前

張夫人

轆轤曉轉素絲綆，桐聲夜落蒼苔轉。涓上吹溜若時雨，濯  
濯佳蔬非用天。丈夫不辭此中意，抱甕當時徒自賢。

同前

梁鐙

妾家巫峽陽，羅帳寢銀床。曉日臨窓久，春情引夢長。落釵



仍在髮微汗欲消黃縱使家寵竟魂遊逐楚王

同前

劉商

連曙寢衣冷開門霜露凝風吹昨夜淚一片枕前冰

同前

賈島

碌上復碌上百年双轉轂志士中夜心良馬白日足俱為不寺閑誰是知音目眼中兩行淚曾弟三献玉

擬古

此詩已見二卷

刘孝威

同前

此詩已見二卷

辛德源

同前

崔融

飲馬臨濁河濁河深不測河水日東注河源迴西極思君正如此誰為生羽翼日夕大川陰雲霞千里色所思在何

處宛在机中織離夢當有鬼愁容定無力夙齡負奇志中夜多歎息拔劍斬長榆弯弧射小棘班張固非擬衛霍行可即寄謝閨中人努力加飡食

同終南山擬古

胡师眺

結庐終南山西北望帝京烟霞乱鳥道劣見長安城宮雉牙相映双闕雲間生鐘鼓沸閭闔笳管咽承明朱門臨槐路紫盖飛縱橫望上未極已甕痛秋風驚巖岫草木黃飛鴈遺塞声墜葉積幽逕繁露垂荒庭甕中酒新熟澗谷塞虫鳴且對一壺酒安用世間名寄言市朝客君王樂太平

擬古

何思澄

故交不可忘犹如蘭桂芳新知难可悅不異葉黃香妾有



鳳鶴皇

一作

曲非無陌上桑薦君上御抱琴自悲涼

同前贈陳子昂

此詩見二百四十九卷

喬知之

同前三首

徐彦伯

讀書三十載馳騫周六經儒衣千時主忠策獻闕庭一朝  
奉休昉從容厠群英束身起建節秉筆坐承明廡署相填  
噓寮史紛縱橫五日休澣時屠蘇繞玉屏橘花覆北沼桂  
樹交西榮樹栖兩鴛鴦含春向我鳴皎潔綺羅艷便娟絲  
管清擾上天地間出處各有情何必岩石下枯槁閑此生

二

遙裔烟嶼鴻雙影旦夕同交翰倚沙月和鳴弄江楓蔗若  
茂芳序君子從遠我雲生陰海沒花落春潭空紅淚掩從  
粧錦衾羅熏籠自傷瓊草綠詐惜鉛粉紅裂帛附双燕為

余向遠東

三

顏光無淹晷逝水有迅流綠苔紛易歇紅顏不再求歌笑  
當及春無令壯志秋弱年仕闕輔門露王疑御溝敷愉東  
城際婉婁南陌頭荷花嬌綠水楊葉暖青樓中有綠疑作綺  
羅人可憐名莫愁畫屏繞金膝珠簾懸玉鈎纖指調宝瑟  
冷上哀且柔贈君鴛鴦帶因以鸛鶴裘向晚吟日坐閨夕  
秉燭遊無作北門客咄上懷百憂

同前

李白

生者如過客死者如一作歸人天地一逆旅同悲萬古塵



月兔空擣藥扶桑已成薪白骨寂無語言一作青松豈知春  
前後皆歎息浮雲何是珍

同前

釋皎然

日出天地正煌煌闢晨曦六龍驅群動古今無盡時夸父  
亦何愚競走先自疲飲乾咸池水折盡長桑枝渴死化燭  
火嗟嗟徒爾為空由鄧林在折盡一作令人嗤

同前

新茂情樂府作  
東元伯勞歌

李暇

秦王龍劍燕后琴珊瑚宝匣鏤双心誰家兒女抱香枕開  
衾滅燭願侍寢瓊窻半上金錢慵輕羅隱面不障羞青綺  
帳中坐相憶紅羅鏡裏見愁色簷花照月鶯對栖空將可  
憐暗中啼

同前

孟簡

劍客不誇貌主人知取心但營織毫義肯計千萬金勇發  
看驚擊憤來听虎吟平生貴酌德刃敵無幽深

同前

頽况

龍劍昔藏影送雄苗其雌人生阻歡会神物亦別離碧樹  
感秋落佳人無还期夜琴為君咽浮雲為君滋愛而傷不  
見使星徒參差集作星漢  
徒參差



文苑英華卷第二百五

文苑英華卷第二百五

詩五十六

樂府十五

飛來雙白鶴三首

黃鶴一首

烏生八九子一首

烏夜啼六首

烏啼曲二首

烏栖曲篇六首

晚栖烏一首

雉子班四首

射雉詞一首

朱鷺四首

鬪鷄篇五首

鳴鷄篇五首

東飛百勞歌四首

燕三首

野田黃雀行四首

滄海雀一首

雀乳空城中一首

空城雀四首



飛來雙白鶴

一作鶴莊子  
鶴鶴通用

梁孝元帝

紫蓋學仙成能令吳市傾逐舞隨踈節聞琴應別聲集田  
遙赴影隔霧近相鳴時從洛浦渡飛向遼東城

同前

吳邁遠

可憐雙白鶴

一作  
鵠

雙雙絕塵氛連翮弄光景交頸想

一作  
遊

青雲逢羅復逢繳雌雄一旦分哀聲流海曲孤叫出江濱  
豈不慕前侶為爾不及群步步一零淚千  
里猶待君樂哉新相  
知悲來生別離持此百年命共逐寸陰移譬如空山草零  
落心自知

同前

虞世南

飛來雙白鶴奮翼遠凌煙俱棲集紫蓋一舉背青田颺影

過伊洛流聲入管絃鳴儔

一作  
群

倒景外刷羽闔風前映海

疑浮雪拂澗瀉飛泉燕雀能知去蜉蝣不識還何言別儔  
侶從此間山川顧步已相失徘徊反自憐危心猶驚露哀  
響詎聞天無因振六翮輕舉復隨仙

黃鶴

沈佺期

黃鶴佐丹鳳不能群白鷗拂雲遊四海弄影到三山遙憶  
君軒上來下天地間明珠世不重知有報恩環

鳥生八九子

劉孝威

城上鳥一年一作  
生子八九雛枝輕巢本狹風多葉早枯毳毛  
不自暖張翼強相呼金析嚴兮翠樓蕭蜃壁光兮椒泥馥  
虞機衡網不得施猜鷹鷲隼無由逐永願共棲魯氏觀同



瑞周王屋莫啼城上寒猶賽野中宿羽成翻備各西東丁  
年賦命有窮通不見高飛啼輦側遠託日輪中尚逢王吉  
箭猶嬰后羿弓豈知變彩救燕質入夢祚昭公流聲表師  
退集幕示營空靈臺已鑄像流蘇時候風

烏夜啼

梁簡文帝

綠草庭中望明月碧玉堂裏對金鋪鳴絃撥淚發初異挑  
琴欲吹衆曲殊不疑三足朝含影直言九子夜相呼羞言  
獨眠枕下淚託道單栖城上烏

同前

劉孝綽

鷓絃且輟弄鶴操暫停揮別有啼鳥曲東西各自飛倡人  
怨獨守蕩子殊未歸忽聞生離唱一作曲中一作長夜泣羅衣

同前

庾信

促柱繁絃非子夜歌聲舞態異前溪御史府中何處宿洛  
陽城頭那得棲彈琴蜀郡卓家女織錦城頭劉一作秦氏  
妻詎不自驚長渡洛一作淚到處一作頭啼鳥何處一作恒啼

同前

前人

桂樹懸知遠風竿詎肯低獨憐明月夜孤飛猶未棲虎賁  
誰見惜御史詎相携雖然一作言入絃管終是曲中啼

同前

李白

姑蘇臺上烏棲時吳王宮裏醉西施吳歌楚舞歡未畢青  
山猶銜半邊日銀箭金壺漏水多起看秋月墮江波東方  
漸高柰爾何



同前

劉商

遶林啞啞驚復栖含烟碧樹高枝低月明露濕枝亦滑城  
上女墻西月低愁人出戶聽烏啼團團明月墮墻西月中  
有桂樹日中有伴侶何不上天去一聲啼到曙

烏啼曲

顧况

玉房掣鎖聲翻葉銀箭添泉霜遶

一作遶霜

堞畢逋撥刺日

一作

月銜城八九雛飛其母驚此是天上老鷓鳴我聞

一作人間

鷓無此聲搖風雜珮耿華燭夜聽羽人彈此曲東方曠曠

赤日旭

同前贈張評事

楊巨源

可憐楊葉復楊花雪淨煙深碧玉家烏棲不定枝條弱城

頭夜半聲啞啞浮萍流

一作搖又作栖

蕩門前水任骨芙蓉莫墮

沙

烏栖曲四首

梁簡文帝

接翻同發燕孤飛獨向楚值雪已迷群驚風復失侶

二

青牛丹轂七香車可憐今夜宿倡家倡家高樹烏欲栖羅

帷翠被向

一作任君低

三

浮雲似帳月成

一作如

鈎那能夜夜南陌頭

一作遊

宜城醞酒

今夜

一作宜城投白今行

熟莫惜停鞍

一作鞍繫馬

暫栖宿

四



織成屏風金屈膝朱唇玉面燈前出相看意思望君憐誰能含羞不向前

鳥栖篇二首

梁元帝

幄中清酒瑪瑙鍾裾邊雜珮琥珀龍欲一作持寄心君心不惜共指三星今何夕

二

濃黛輕紅點花色還欲令人不相識金壺夜求誰一作此夜誰又

作夜能多 一作奢用此 一作懸河

晚栖鳥

梁元帝

日暮連翩翼俱向上林栖風多前鳥駛雲暗後群迷路遠聲難徹飛斜行未齊應從故鄉返幾過入蘭閨借問倡樓

妾何如蕩子啼

雉子班

吳均

可憐雉子班群飛集野甸文章始陸離意氣已驚狷幽并遊俠子直心亦如箭生死一作以死報君恩誰能孤一作死節忘盼

同前

張正見

陳倉雉未飛歛翮依芳甸朱冠色尚淺錦臆毛初變雉麥且專場排花聊勇戰唯當度弱水不怯如臯箭

同前

毛處約

春物始芳菲春雉正相追澗響連朝雒花光帶錦衣竄跡時移影驚媒或亂飛能使如臯路相追巧笑歸

同前

江惣



麥壟新秋來澤雉髮徘徊依花似叶妬拂草乍驚媒三春  
挑照李二月柳爭梅暫往如臯路當令巧笑開

射雉詞

儲光羲

曝暄理新翳迎春射鳴雉原田遙一色臯陸曠千里遠聞  
咿啞聲時見雙飛起羃歷踈蒿下毯毳深麥裏顧敵乃忘  
生爭雄方決死仁心貴勇義豈復能傷此超遙下故墟迢  
迢迴高時大夫昔何苦取笑歡妻子

朱鷺

梁王僧儒

因風弄玉水映日上金堤猶持畏羅繳未得異鳧鷺聞君  
愛白雉兼同重碧鷄未能聲似鳳聊變色如珪願識昆明  
路乘流飲復棲

同前

裴憲伯

秋來懼寒勁歲去畏冰堅群飛向葭下奮羽欲南遷暫戲  
龍池側時往鳳樓前所歎恩光歇不得久聯翩

同前

張正見

金堤有朱鷺刷羽望滄瀛周詩振雅曲漢鼓發奇聲時將  
赤鴈並乍逐彩鸞行別有翻潮處異色不相驚

同前

蘇子卿

玉山一朱鷺容與入王畿欲向天池飲還遶上林飛金堤  
曬羽翻丹水浴毛衣非貪葭下食懷恩自遠歸

鬪雞

梁簡文帝

歡樂良無已東郊春可遊百花非一色新田多異流龍尾



橫津漢車箱起戍樓玉冠初驚敵芥羽忽猜儔十日嬌既  
滿九勝勢恒適脫使田饒見堪能說魯侯

同前

梁孝威

丹雉翠羽張妬敵復一作得專場翅中含芥粉距外耀金芒

氣踰上黨列名貴一作愧下講良祭橋愁魏后食茹忌齊王

願賜淮南藥一使雲間翔

鬪雞東郊道

陳楮珍

春郊鬪雞侶捧敵兩逢迎妬一作詭群排袖出帶勇向場驚

錦毛侵距散芥羽雜塵生還同戰勝罷耿介寄前鳴

看鬪雞

後周王褒

蹀躞始橫行意氣欲相傾妬敵金芒起猜群芥粉生入場

疑挑戰逐退似追兵誰知函谷下人去獨開城

寒食鬪雞

杜淹

寒食東郊上楊講競出籠花冠初照日芥羽正生風顧敵

知心勇先鳴覺氣雄長翹頻拂陣利距屢通中飛毛遍綠

野洒血漬芳叢雖然百戰勝會自不論功

雞鳴高樹巔

梁簡文帝

碧玉好名倡夫壻侍中郎桃花全覆井金門半隱堂時欣

一來下復比雙鴛鴦雞鳴天尚早東烏定未光

晨雞高樹鳴

張正見

晨雞振翮鳴出迴擅奇聲蜀郡隨金馬天津應玉衡摧冠

驗遠石集作非繫火用江道事出連營爭棲斜揭暮鮮翼橫飛度



試飲淮南藥翻上仙都樹枝低且候潮葉淺還承露枝低  
觸嚴霜葉淺向朝陽猜群怯寶劍勇戰出花場尚損黃金  
距誰論白玉璫長鳴逢晉帝恃氣遇周王流名說魯國分  
影入陳倉不復愁符郎猶能感孟嘗

賦雞鳴篇

隋岑德潤

鍾響應繁霜晨雞錦臆張簾迴猶侵露枝高已映光排空  
下朝揭奮翼上花塲雨晦思君子開開脫孟嘗既得依雲  
外安用集陳倉

雞鳴曲

李廓

星稀月没入上一作五更膠角角雞初鳴征人牽馬出門

立辭妻一作妾一作欲向長安一作安西行再鳴引頸簷頭下樓一作月

中角聲催上馬總分地色第三鳴旌旆紅塵已出城婦人  
上城亂招手夫壻不聞遙哭聲長恨雞鳴別時苦不遣雞  
栖近窓戶

同前

陳陶

雞聲春曉上林中一聲驚落蝦蟇宮二聲喚破枕邊夢三  
聲行人煙海紅平旦慵將百雞語蓬鬆錦繡當陽處媿君  
飲食長相呼為君晝鳴下高樹

東飛百勞歌

梁武帝

東飛百勞西飛燕黃姑織女時相見誰家兒女對門居開  
顏發艷照里閭南窓北牖桂月光羅帷綺帳脂粉香女兒  
年幾十五六窈窕無雙顏如玉三春已暮花從風空留可



憐誰與同

同前

辛得源

含歡芳樹連理枝荆王神女乍相隨誰家妖艷蕩輕舟含  
嬌轉盼一作面騁風流犀柅蘭橈翠羽蓋雲羅霧縠蓮花帶  
女兒年幾十六七玉面新粧映朝日落花從風俄度春空  
留可憐何處新

此詩二百五卷重出今已削去注異同為一作

同前

張柬之

青田白鶴卅山鳳婺女嫦娥兩相送誰家絕世綺帳前艷  
粉芳脂映寶鈿窈窕玉堂寒翠幕參差繡戶懸珠箔絕世  
三五愛紅粧治袖長裾蘭麝香春去花枝俄易改可歎年

光不相待

擬古東飛百勞西飛燕

李嶠

傳書青鳥迎簫鳳巫嶺荆臺數通夢誰家窈窕住園樓五  
馬千金照陌頭羅裙玉珮當軒出點翠施紅競春日佳人  
二八盛舞歌羞將百萬呈雙娥庭前芳樹朝夕改空駐妍  
華欲誰待

鸞鷲于飛

江惲

二月春暉暉雙鸞理毛衣銜花弄藿靡拂葉隱芳菲或在  
堂間戲多從幕上飛若作仙人履應向日南歸

雙燕離

沈君攸

雙鸞雙飛雙情相思容色自故心心不衰雙入幕雙出闌



一作秋風去春風歸幕上危雙鷺離銜羽一別涕泗垂夜  
夜孤飛誰相知左迴右顧還相慕翩翩桂水不忍度懸目  
掛心思越路縈鬱摧折意終一有不洩願作孤鷺鏡中絕一作  
鏡鷺相對絕

同前

李白

雙燕復雙燕雙飛令人羨玉樓珠閣不獨棲金窓繡戶長  
相見栢梁失火去因入吳王宮吳宮又焚蕩雖盡巢亦空  
顛顛一身在孀雌憶故雄雙飛難再得傷我寸心中

野田黃雀行

蕭轂

弱軀慙彩飾輕毛非錦文不如一作知鳴鶴一作鵠志非是鳳  
凰群作風隨濯雨入曲應玄雲空城舊侶絕滄海故朋分

寧死明珠彈且避鷹將軍

同前

李白

遊莫逐炎洲翠棲莫近吳宮燕吳宮火起焚爾窠炎洲逐  
翠遭網羅蕭條兩翅蓬蒿下雖一作縱有鷹鷂柰爾一作若何

同前

儲光羲

嘖嘖野田雀不知軀體微閑穿踈蒿下一作深爭食復爭  
飛窮老一犢一作頽舍棗多桑樹稀無棗亦何一作猶食無桑  
何以衣蕭條穹蒼暮相引時來歸斜路豈不捷渚田豈不  
肥水漲路且壞惻惻與心違

田野雀

一作野田黃雀行

僧貫休

高樹風多吹爾巢落蒿深一作深葉暖且爾依泊莫近鷓類



蛛網亦惡飲野田之清水食野田之黃粟深花中睡勃土  
一作裏浴如此即全勝啄太倉之穀而穿人之屋

滄海雀

張率

大雀與黃口來自滄海區清晨啄原粒日夕歸一作野株  
雖憂鷲鳥擊長懷沸鼎虞况復隨時起一作翻飛不可初  
寄言挾彈子莫賤隋侯珠

雀乳空城一作中

劉孝威

遠去條支國心知漢德休一作聊棲丞相府過令黃霸羞  
挾子湏閑池空井共尋求鞭韃絲綆絕桔槔金一作蘇稠  
將憐羽翼長誰辭各背遊

空城雀

李白

嗷嗷空城雀身計何戚促本與顛鷓群不隨鳳凰族提攜  
四黃口飲乳未嘗足食君糠粃餘常恐烏鳶逐一作耻涉  
太行險蓋營覆車粟天命有定端守分絕所欲

同前

劉駕

飢啄空城土莫近太倉粟一粒不一作充腸却入小人一作  
公腹且弔城下一作客豈曾空一作爾族不聞莊辛語  
今日寒蕪綠

同前

陳陶

古城濛濛花覆水昔日住人今住鬼野雀荒臺遺子孫千  
年飲啄枯桑根不隨海鷲栢梁去應無玉環銜報恩近村  
紅粟香壓枝嗷嗷黃口訴朝饑生來未見鳳凰語欲飛常



文苑英華卷第二百六  
十一  
怕蜘蛛絲斷腸四隅天四絕清泉綠蒿無恐疑

同前

羅隱

雀入官倉中所食能損幾所慮徃復頻官倉乃害爾魚網不在天鳥網不張水飲啄要自然何必空城裏

文苑英華卷第二百六

文苑英華卷第二百七

詩五十七

樂府十六

梁甫吟三首

白頭吟三首

遊子吟五首

妾薄命九首

妾安所居一首

宛轉歌三首

古興九首

古曲一首

古歌一首

古詞五首

梁甫吟

陸瓊

臨淄佳麗地少小習名倡似笑唇朱動非愁眉翠楊掩柳隨竿轉和柔會瑟張輕扇屢迴指飛塵亟遶梁寄言諸葛相此曲作難忘



同前

沈約

龍駕有馳策日御不一作無停陰星籥亟迴變氣化坐盈侵

寒花稍耿耿秋海一作塞日沉沉高窓仄一作灰餘火傾河駕

騰參颯風折暮草驚籜一作竿賈層林時雲靄空遠年冰一作水

能禁露清一惟足緩志且移心哀歌步梁甫歎絕有遺吟

一作音 同前

李白

同前

李白

長嘯梁甫吟何時見陽春君不見朝歌屠叟辭棘津八十

西來釣渭濱寧羞白髮照清一作綠水逢時吐一作吐氣思經

綸廣張三千六百鈎一作鈎風期暗與文王親大賢虎變愚

不測當年頗似尋常人又一作君不見高陽酒徒起草中長

揖山東隆準公入門開說一作不拜騁雄辯兩女輟洗來趨風

東下齊城七十二指旄楚漢如旋蓬狂生落魄見酈食其傳尚

如此何況壯士當群雄我欲攀龍見明主雷公砰訇震天

鼓帝旁投壺多玉女三時大笑生一作開電光倏爍晦冥起

風雨閭闔九門不可通以額叩關閭者怒白日不照吾精

誠杞國無事憂天傾楔偷磨牙競人肉騶虞不折生草莖

手接飛猱搏彫虎側足焦原未言苦智者可卷愚者豪世

人見我輕鴻毛力排南山三壯士齊相殺之用一作費二桃

吳楚弄兵非一作無劇孟亞夫哈爾為徒勞梁甫吟聲正悲

張公兩龍劔神物合有時風雲感會起屠鈎天一作大人峴







頭吟東流不作西歸水落花辭條羞故林兔絲本無情隨  
風任傾倒誰使女蘿枝而來強縈抱兩草猶一心人心不  
如草莫卷龍鬚席從他生網絲且留琥珀枕會有夢來時  
覆水再收豈滿杯棄妾已去難重廻古來得意不相負只  
今唯有青陵臺

遊子吟

顧况

故櫪思疲馬故窠思迷禽浮雲蔽我鄉躑躅遊子吟遊子  
悲久滯浮雲鬱東岑客堂無絲桐落葉如秋霖難哉遠遊  
子所以悲滯滯一爲浮雲詞憤塞誰能禁馳歸一作百年  
內唯願展所欽胡爲不歸歟坐使年病侵未老霜遶鬢非  
狂火燒心大行何難哉北斗不可斟夜靜星河出耿耿辰

真參佳人負青天尺素重於金次寥群動異眇默諸境森  
苔衣上閑階蟋蟀催寒碁立身計幾悞道險無容針三年  
不還家萬里遺錦衾夢魂無重阻離憂罔古今胡爲不歸  
歟辜負匣中琴腰下是何物牽纏曠登尋朝與名山期夕  
宿楚水陰楚水殊演漾名山窅嶇嶽客從洞庭來婉孌瀟  
湘深橘柚在南國鴻鴈遺其音下有碧草洲上有青橘林  
引燭窺洞穴凌波睥天琛蒲河影參差鳧鶴雛淋泮浩歌  
惜芳杜散髮輕華簪胡爲不歸歟淚下沾衣襟鳶飛戾霄  
漢螻蟻制鱣鱓赫赫大聖朝日月光照臨聖主雖啓迪吾  
人分湮沉層城登一作發雲韶王一作玉府鏘球琳鹿鳴志豐  
草况復虞人箴



同前

李益

女羞夫婿薄客耻主人賤遭遇同衆流低回愧相見君非  
青銅鏡何事空照面莫以衣上塵不爲心如練人生當榮  
盛待士勿言倦君看白日馳何異弦上箭

同前

孟郊

慈母手中線遊子身上衣臨行密密縫意恐遲遲歸誰言  
寸草心報得三春暉

同前

陳陶

栖鳥喜林曙驚蓬傷歲闌關河三尺雪何處是天山朔風  
無重衣僕馬饑且寒慘戚別妻子遲回出門難男兒值休  
明豈是長泥蟠何者爲木偶何人待金鑿鬱鬱守貧賤悠

悠亦無端進不圖功名退不處巖巖窮通在何日光景如  
跳丸富貴苦不早令人摧心肝誓期春之陽一振摩霄翰

同前

聶夷中

萱草生堂階遊子行天涯慈親倚門堂不見萱草花

妻薄命篇

梁簡文帝

名都多雅麗一作麗質本自恃容姿蕩子行不一作未至秋胡無

定期玉貌歇紅縷一作臉長嘔慣翠眉奩鏡迷朝色針縫一作

縫一作脆故絲本異搖舟咎何關竊虎疑生離誰拊背溘死詎

來遲王嬙貌本絕跟踏入氈幃盧姬嫁日晚非復妙一作少

年時轉山猶可逐一作遂烏白望難期妾心徒自苦傍人會

見嗤



同前

劉孝威

去年從越障

一作嶂

今歲沒胡庭嚴霜封碣石驚沙暗井陘

玉箸久落鬢羅衣長掛屏浴蠶思沫

一作漆

水挑桑憶鄭峒

寄書朝鮮吏留釧武安亭勿言戎夏隔但令

一作念

心契冥

不見豐城劍千祀復同形

同前

劉元淑

自從離別守空閨遙聞征戰赴

一作起

雲梯夜夜相思

一作思君

又作愁君

遼海北

一作外

年年拋

一作棄

妾渭橋西陽春白日照空

暖紫燕紅

一作奇

花向庭浦彩鸞琴裏怨聲多飛鵲鏡前梳

粧斷誰家夫婿久

一作不

從征應是漁陽別有情莫道紅顏

燕地少家家還似洛陽城且逐新人殊未歸還今秋至夜

霜飛北斗星前橫旅

一作度

鴈南樓月下擣寒衣更

一作夜

深

聞鴈腸欲絕獨夜挑燈燈復滅暗啼羅帳空自憐夢度陽

關向誰說每吟

一作憐

容貌宛如神何其

一作如何

薄命不如人

願君朝夕燕山至好作明年楊柳春

同前

李白

漢帝重阿嬌貯之黃金屋咳唾落九天隨風生珠玉寵極

愛還歇妬深情却踈長門一步地不肯暫回車雨落不上

天覆水最難

一作難再

收君情與妾意各自東西流昔日芙蓉

花今成素秋草以色事他人能得幾時好

同前

權得輿

昔任邯鄲年尚少只是嬌羞弄花鳥青樓碧沙大道邊綠



楊日暮風裊裊嬋娟玉貌二八餘自矜一作憐顏色花不如

麗質全勝秦氏女藁礎寧用專城居歲去年來年漸長青

蛾一作春紅粉全堪賞玉樓珠箔但閑居南陌東城詎來往

韶光日月看漸遲標梅既落行有時寧知燕趙娉婷子翻

嫁幽并游俠兒年年結束青絲騎出門一去何時至秋月

空懸翡翠簾春幃懶卧鴛鴦被沙塞經時不寄書深閨愁

獨意何如花前拭淚情無限月下調絃一作琴恨有餘別離

苦多相見少洞房愁夢何由曉閑看雙燕淚霏霏靜對空

床夢悄悄鏡裏紅顏不自禁陌頭香騎動春心為問佳期

早晚是人人總解有黃金

同前

孟郊

不惜十指弦為君千萬彈常恐新聲至一作發坐使故聲殘

一作使我棄置今日悲即是昨日歡將新變故易將故為

新難青山有薜蘿蕪淚葉常不乾空令後世一作代人采掇幽

思攢一作思幽蘭

同前

曹鄴

薄命常惻惻出門見南北劉郎馬蹄疾何處去不得淚珠

不可收蟲絲不可織知君綠桑下更有新相識

同前

盧綸

妾年初二八兩度嫁狂夫薄命今猶在堅貞掃地無

同前

孟郊

薄命頭欲白頻年嫁不成秦娥未十五昨日事公卿豈有



機杼力空傳歌舞名妾專脩婦德媒氏却相輕

妾安所居

曹鄴

賤妾先無寵蛾眉進不遲一非西北麗無復南城期何因  
暫艷逸豈為乏妍姿徒有黃昏望寧遇青樓時唯惜應門  
掩方除永巷悲匡床終不共何由橫自私

宛轉歌

徐陵

七夕天河白露明八月濤水秋清一作清風驚樓中恒聞哀曲  
響塘上復有苦辛行不解何意悲秋氣直置一作致無秋悲  
自生不怨前堦促織鳴偏愁便路擣衣聲別燕差池自有  
返離嬋寂寞詎含情雲聚含一作懷情四望臺月冷相思九  
重觀欲題芍藥詩不成來採芙蓉花已散金樽送曲韓娥

起玉柱調絲

一作絃

楚妃勸

一作歎

翠眉結恨不復開寶鬢迎

秋度

一作風

前亂湘妃拭淚洒貞筠行樂翫花

一作藥浣衣

何處

人步步香飛金薄履盈盈扇掩珊瑚唇已言採桑期陌上  
復能解珮就江濱競入華堂要花枕爭開羽帳奉華茵不  
惜獨眠前下鈎一作鈎欲許便作後來新後來冥冥同匡一作  
玉床可憐顏色無比方誰能巧笑時一作特窺井乍取新聲  
學遶梁宿處留嬌墮黃珥鏡前含笑弄明璫卷施摘心心  
不盡茱萸折葉葉更芳已聞能歌洞簫賦詎是故愛邯鄲  
倡

擬古神女宛轉歌二首

崔液

郭茂倩作即大家宋氏

風已清月朗琴復鳴掩抑悲千態殷勤是一聲歌宛轉宛



轉和更

一作且

長願爲雙鴻鵠比翼共翱翔

二

日已暮長簷鳥應度此時望君君不來此時思君君不顧  
歌宛轉宛轉那能異棲宿願爲形與影出入恒相逐

古興二首

沈徽

蔓草自細微女蘿始天天黃緣至百尺榮耀非一朝惠色  
高碧嶺流芳薄丹青如何摧秀木正爲餘波漂莖朝一作葉  
落岩跡英蕤從風颭洪柯不足恃况乃託陵茗

二

長門

一作安

富豪右信是天下樞戚里笙歌發禁門冠蓋趨

攀雲無愧士哩地盡成珠日晏下雙闕煙花亂九衢恩榮

在片言零落亦須臾何意還自及曲池今已無

同前三首

寇坦毋趙氏

鬱蒸更將半暑氣煽飛閣驟雨滿空來當軒卷羅幕度雲  
闌夕霽宇宙何清廓明月流素光輕風換炎鏢孤鷺傷對  
影竇瑟瑟別鶴君子去不還搖心欲何託

二

金菊延清霜玉壺多美酒良久

疑作人

猶不歸芳菲豈常有

不惜芳菲歇但傷別離久含情罷斟酌凝怨對窓牖

三

霽雪舒長野寒雲半幽谷嚴風振枯條袞啼抱冰木所嗟  
遊宦子小小荷天祿前程未云至悽愴對車僕歲寒成詠



歌日暮棲林樸不悛行險道空悲年運促

同前

常建

轆轤井上雙梧桐飛鳥銜花日將沒深閨女兒莫愁年玉  
脂冷冷怨金碧石榴裙裾蛺蝶飛見人不語顰蛾眉青絲  
紅絲雜綠絲織成錦衾當為誰

同前

薛據

日中望雙闕疑蓋揚飛塵鳴珮初罷朝自言皆近臣光  
華滿道路意氣安可親歸來宴高堂廣筵羅八珍僕妾盡  
綺羅歌舞夜達晨四時固相代誰能久要津已看覆前車  
未見易後輪丈夫須兼濟豈得樂一身君今皆得志肯顧  
顛顛人

同前

李嘉祐

十五小家女雙鬟人不知一作如娥眉暫一見可直千萬資  
一作金餘自從得向蓬萊裏出入金輿乘玉趾梧桐樹上春鷓  
鳴曉伴君王猶未起莫道君恩長不休婕妤團扇苦悲秋  
君看魏帝鄴都裏唯有銅臺漳水流

同前

聶夷中

片玉一塵輕粒粟山丘重唐虞貴民食祗是勤播種前聖  
後聖同今人古人共一歲如苦饑金玉何所用集作將何用

古曲

王褒

青樓臨大道遊俠盡淹留陳王金被馬秦女桂為鈞馳輪  
洛城巷闢雞南陌頭薄暮飛塵起聊為清夜遊



古歌

沈佺期

落葉流風向玉臺寒缸

一作夜寒愁

愁思洞房開水晶簾外金

波下雲母窓前銀漢廻玉堦陰陰苔蘚色君王履綦難再

得旋

一作旋

閨窈窕秋夜長繡戶徘徊明

一作秋

月光燕姬綵

帳芙蓉色秦子金爐蘭麝香北斗七星橫夜半清歌一曲

斷君腸

古詞

衛象

鵲血調弓濕未乾鷓鴣新淬劍光寒遼東老將鬢成雪猶

向旄頭夜夜看

同前三首

于鵠

素絲帶金地窓間掬飛塵偷得鳳凰釵門前乞行人

二

新長青絲髮啞啞言語黯隨人敲銅鏡街頭救明月

三

東家新長兒與妾同時生竝長兩心熟到大相呼名

同前

曹鄴

高闕礙飛鳥人言是君家經年不歸去愛妾面生花妾面

雖有花妾心非女蘿郎君不自重重

一作教

妾欲如何



文苑英華卷第二百七

文苑英華卷第二百八

詩五十八

樂府十七

陌上桑三首

採桑八首

折楊柳十六首

梅花落十首

殿前生桂樹一首

芳樹十一首

採蓮十六首

採菊一首

採菱三首

青青河畔草二首

陌上桑

吳筠

嫋嫋陌上桑蔭陌復垂塘長條映白日細葉影一作鸚黃

蠶饑妾復思拭淚且提筐故人去如一作寧知此離恨煎人腸

同前

王均



人傳陌上桑未曉已含光重重相蔭映軟弱一作軟軟自芬芳  
秋胡始倚一作停馬羅敷未滿筐春蠶朝已老一作伏安得久  
彷徨

同前

李白

遊女細綺衣春還事蠶作五馬如花飛青絲結金絡不知  
誰家子調笑來相譖妾本秦羅敷玉顏艷名都綠條映素  
手採桑向城隅使君且不顧况復論秋胡寒蠶愛碧草鳴  
鳳棲青梧託心自有處但恠傍人愚徒勞一作令白日暮高  
駕空踟躕

採桑

梁簡文帝

春色映空來先發水一作院邊梅細萍重疊長新花歷亂開

遊理傍淇水一作連珂接憶至蕞臺蕞臺可憐妾當窓望

飛蝶忌跌行衫領熨斗成裙攝一作褫攝下牀著珠珮捉

鏡安花鑷薄晚畏蠶饑競採春桑葉寄語採桑伴訝今春

日短枝高手不及葉細籠難滿年年一作年少將使君歷亂遣

相聞欲知琴裏意還贈錦中文何當照梁日還作入山雲

重門皆已閉方知客留袂可憐黃金絡復似青絲繫必也

爲人持誰令畏夫婿

同前

傅緯

羅敷試採桑出入城南傍裙裙一作綺裙映珠珥絲籠一作繩提

玉筐度身攀葉聚踈腕及枝長空勞使君問自有侍中郎

同前

張正見



春樓曙鳥驚蠶妾候初晴迎風金珥落白日玉釵明徙顧  
移籠影攀鈎動釧聲葉高知手弱枝軟覺身輕人多羞借  
問年少却逢迎恐疑夫壻遠聊復答專城

同前

劉邈

倡妾一作女不勝愁結束下青樓逐伴西城路相携南陌頭

葉盡時移樹枝高乍易鈎絲繩挂一作提且脫金籠寫仍一作

復收蠶饑日欲暮誰一作詎為使君留

同前

沈君攸

南陌落光移蠶妾畏桑萎逐便牽低葉爭多避小枝摘駛  
籠行蒲攀高腕欲疲看金怯舉意求心自可知

同前

劉希夷

楊柳送行人青青入西秦秦家採桑女樓上不勝春盈盈

灞池一作水曲步步春芳綠紅臉曜明珠絳唇含白玉迴首

渭橋東遙憐樹色同青絲映日落一作嬌絳綺弄春風携

籠長歎息逶遲一作迤戀春色看花若有情倚樹疑無力薄

暮思悠悠使君南陌頭相逢不相識歸去夢青樓

同前

李彥遠一作暉

採桑畏日高不待春眠足攀條有餘態那矜一作隣貌如玉

千金豈不贈五馬空躑躅何以變真性幽篁雪中綠

同前

江遵

為報踟躕陌上郎蠶饑日晚妾心忙本來若愛黃金好不  
肯携籠自採桑



折楊柳

梁簡文帝

楊柳亂如絲攀折上春時葉密鳥飛礙風輕花落遲城高  
短簫發林空畫角悲曲中別無一作無別意併為一作是一相思

同前

梁孝元帝

巫山一作山高巫峽長垂柳復垂楊同心且一作宜同折故人懷

同前

徐陵

娟娟河堤樹依依魏主營江陵有舊曲洛下作新聲妾對  
長楊苑君登高柳城春還應共見蕩子太無情

同前

岑敬之

將軍始見知細柳繞營垂懸絲拂城轉飛絮上宮吹塞門

交度葉谷口暗橫枝曲城攀折處唯言怨別離

同前

王瑳

塞外無春色上林柳已黃枝影侵宮暗葉彩亂星光陌頭  
藏戲鳥樓上掩新粧攀折思為贈心期別路長

同前

江總

萬里音書絕千條楊柳結不誤一作悟倡園花遙同故里一作

天嶺雪春心自浩蕩春樹聊攀折共此依依情無柰年年別

同前

楊炯

邊地迷一作遙無極征夫去不還秋容彫翠羽別淚損紅顏

望斷流星驛心馳明月關藁砧何處在楊柳自堪攀

同前

盧照隣



倡樓啓曙扉園柳正依依鳥一作鳴知歲隔條變識春歸

露葉凝愁黛一作啼臉風花落一作亂舞衣攀折將安一作聊將寄軍

中音一作書信稀

同前

沈佺期

玉窓朝日映羅帳春風吹拭淚攀楊柳長條匝地垂白花

飛歷亂黃鳥度參差妾自肝腸斷傍人那得知

同前

鄭惜

青柳映紅顏黃雲蔽紫關傳聞邊信出枝葉爲君攀舞腰

愁欲斷春心望不還風花亂成雪羅綺淚班班

同前

喬知之

可憐濯濯春楊柳攀折將來就纖手妾容與此同盛衰何

必君恩能獨久

同前

張九齡

纖纖折楊柳持取寄情人一枝何足貴憐是故園春遲景

那能久流芳不及新更愁征戍客容鬢老邊塵

同前

魚玄機

朝朝送別泣花鈿折盡春風楊柳煙願得西山無樹木免

教人作淚懸懸

同前三首

王貞白

枝枝交影鎖長門嫩色曾沾雨露恩鳳輦不來春筍盡空

留鴛語到黃昏

二



水殿年年占早芳  
柔條風裏御爐香  
如今萬乘多巡狩  
待輦路無陰綠草長

三

嫩葉初齊不耐寒  
和寒時拂玉欄干  
征人去日曾攀折  
泣雨傷春翠黛殘

梅花落

吳均

終冬十二月寒風西北吹  
獨有梅花落飄蕩不依枝  
流連逐霜彩散漫下冰澌  
何當與春日共映芙蓉池

同前二首

徐陵

臘月正月早驚春  
衆花未發梅花新  
可憐芬芳臨玉臺  
朝攀晚折還復開  
長安年少一作年小多輕薄  
兩兩常唱梅花落

蒲酌金杯

一作厄

催玉柱落梅樹下宜歌舞  
金谷萬株連續

薨梅花密處藏嬌  
鶯桃李佳人欲相照  
摘葉牽花來並笑  
楊柳條青樓上輕  
梅花色白雪中明  
橫笛短簫悽復切  
一作誰知陌梁聲不絕

二

對戶一株梅  
新花屢發材

一作落故栽

驚拾還蓮井  
風吹上鏡

臺倡家愁思  
妾樓上獨徘徊  
啼和竹葉錦笑

一作簾

罷未能

一作成

同前

陳後主

春一作金砌落芳梅  
飄飄上鳳臺  
拂粧疑粉散  
逐溜似萍開  
映日花光動  
迎風香氣來  
佳人早插髻  
試立且徘徊



同前

張正見

芳梅映雲一作紅野發早覺寒侵落遠香風急飛多花徑深  
周人歎初標魏帝指前林邊城少灌木折此自悲吟

同前二首

江總

標一作縹色動風香羅生枝已長妖姬墮馬鬢未插江南璫

轉袖花紛落春衣共有芳一作光羞作秋胡婦獨採江城一作

南桑

二

胡地少春來二年驚落梅偏疑粉蝶散乍似雪花開可憐  
香氣歇可惜風相摧金鏡且莫顧玉笛幸徘徊

同前

楊炯

窓外一株梅寒花五出開影隨朝日遠香逐便風來泣對  
銅鈎幃愁看玉鏡臺行人斷消息春恨幾徘徊

同前

盧照隣

梅院一作嶺花初發天山雪未開處處疑花蒲花邊似雪迴  
因風入舞袖雜粉向粧臺匈奴幾萬里春至不知來

同前

劉方平

新歲梅芳盡一作芳梅樹繁花一作苞四面同春風吹漸落一夜  
幾枝空少婦今如此長城恨不窮莫將遼海雪來此後庭

中

殿前生桂樹

陳陶

僊娥玉宮秋夜明桂枝拂檻參差瓊香風下天漏丁丁牛



渚翠梁橫淺清羽帳不眠恨吹笙棲鳥暗驚僊子落步月  
鬢雲墮金雀蕙樓涼簟翠波空銀縷香寒鳳凰薄東海即  
為郎斟酌綺疎長懸七星杓

芳樹

梁元帝

芬芳君子樹交柯御宿園桂影含秋色

一作隨  
秋月

桃花

一作  
色

染春源落英逐風聚輕香帶蘂翻藜枝臨北閣灌木隱南  
軒交讓良宜重成蹊何用言

同前

沈約

發萼九華隈開跗塞路

一作  
露塞

側氛氲非一香參差多異色

宿昔寒飈舉摧殘不可識霜雪交橫至對之長歎息

同前

費昶

幸被夕風吹屢得朝光照枝低

一作  
偃

疑欲舞花開似含笑

長夜路悠悠所思不可召行人早旋返賤妾猶年

一作  
年猶少

同前

顧野王

上林通建章雜樹遍林芳日影桃蹊色風吹梅逕香幽山

桂葉落馳道柳條長折縈疑路遠用表莫相忘

同前

張正見

竒樹舒春苑流芳入綺錢合歡分四照同心彰

一作  
影

萬年

香浮佳氣裏葉映彩雲前欲識楊雄賦金

一作  
含

玉蒲甘泉

同前

丘遲

芳葉復莫莫

一作  
漠漠

嘉實復離離發景傍雲屋凝暉

一作  
輝

覆

華池輕蜂掇浮穎弱鳥隱深枝一朝容色茂千春長不移



同前

盧照隣

芳樹本多奇年華復在斯結翠成新幄開紅蒲故一作枝  
風掃花歷亂日度影參差容色朝朝落思君君不知

同前

徐彥伯

玉花珍簾上金縷一作鏤畫屏開曉月憐箏柱春風憶鏡臺  
箏柱春風吹曉月芳樹落花朝輶歌藁砧刀頭未有時攀

條拭淚坐相思

同前

符子珪

芳樹宜三月瞳瞳艷綺年香交珠箔氣陰占綠庭煙小葉  
風吹長繁花露濯鮮遂令穠李兒折取簪花鈿

同前

李叔卿

春看玫瑰樹西鄰郎宋家門深重暗葉墻近度飛花影拂  
桃陰淺香傳李逕斜靚粧愁日暮流涕向窓紗

同前

羅隱

細萼一作藥慢逐風暖香閑破鼻青帝固有心時時漏天意  
一作動人意去年高枝猶壓地今年低枝已顛顛吾所以見造

化之權變通之理春夏作頭秋冬為尾循環反覆無終已  
一作反復無窮已人生長短同一軌若使威可以制力可以止則

秦皇不肯斂手下沙丘孟賁不合低頭入蒿里伊人強猛  
猶如此顧我勞生何足恃但願我開素袍傾綠蟻陶陶兀

兀大醉於清宵一作青冥白晝間任他上是天下是地

採蓮

梁簡文帝郭茂倩樂府作梁元帝



採蓮歸綠水好沾衣桂舟蘭橈浮江花一作碧水江花玉面兩相似蓮踈藕折香風起香風起白日低採蓮曲使君迷

同前二首

吳筠郭茂倩樂府作梁武帝

採蓮渚窈窕舞佳人遊戲五湖採蓮歸發花田葉芳襲衣為君艷一作濃歇世所希世所希有如玉江南弄採蓮曲

二一作採菱曲

菱歌女解珮戲江陽江陽稚女珠腕繩金翠低眉一作搖首紅顏興桂棹容與歌採菱歌採菱心未移一作怡翳羅袖望所思

同前

李康成

採蓮去月沒春江曙翠釵一作細紅袖水中央青荷蓮子雜

衣香雲起風生歸路長歸路長那得久各廻船兩搖手

同前

王勃

採蓮歸綠水芙蓉衣秋風起浪鳧飛桂棹蘭橈下長浦羅裙玉腕搖輕櫓葉嶼花潭極望平江謳越吹相思苦相思苦佳期不可駐塞外征夫猶未還江南採蓮今已暮今已暮摘蓮花渠今那必盡偶家官道城南把桑葉何如江上採蓮花蓮花復蓮花花葉何重疊葉翠本羞眉花紅強如頰佳人不在茲一作絃悵望別離時牽花憐共蒂折藕愛連絲故情無一作何處所新物徒華滋不惜西津交解佩還羞北海鴈書遲採蓮歌有節採蓮夜未歇正逢浩蕩江上風徘徊一作江上月蓮河夜相逢吳姬越女何丰茸共問



寒光千里外 征客關山路一作幾重

同前

閻朝隱

採蓮女採蓮舟 春日春江碧水流 蓮花一作承玉釧蓮刺

冒銀鈎薄暮歛容歌 一曲氛氲香氣蒲汀洲

同前

鄭愔

綿紵沙棠艦 羅帶石榴裙 綠縹采荷芰 清江日稍曛 魚鳥

爭唼喋 花木相芬氛 不覺芳洲暮 棹歌處處聞

同前

徐玄之

越艷荆姝慣採蓮 蘭橈畫楫蒲長川 秋來江水澄如練 映

水紅粧如可見 此時蓮浦珠翠光 此日荷風羅綺香 纖手

周遊不暫息 紅英爛熳殊未極 夕鳥棲林人欲稀 長歌哀

怨採蓮歸

同前

張敬微

遊女泛江晴 蓮紅水復清 競多愁日暮 爭疾畏船傾 波動

疑釵落 風生覺袖輕 相看未盡意 歸浦棹歌聲

同前

賀知章

稽山罷霧鬱 峩峩鏡水無風也 自波莫言春 度芳菲盡別

有中流採芰荷

同前

李白

若邪溪邊一作採蓮女笑隔荷花共人語日照紅一作粧

水底明風飄羅一作袖空中舉 岸上誰家遊 冶郎三三五

五映垂楊紫 騶嘶入落花去對此踟躕空斷腸



同前

儲光羲

淺渚荷

一作荷

花繁深塘菱

一作潭菱

葉踈獨徃方自獲

一作得耻

邀淇上姝廣江無阡陌

一作街陌

大澤絕方隅浪中海童語流

下鮫人居春荻

一作鴈

時隱舟新荷

一作洋

復蒲湖采采乘日

暮不思賢與愚

同前

李頎

越溪女越溪蓮齊齒菡萏雙嬋娟嬉遊向何處採摘且同船

浩唱發容與清波生漪漣時逢島嶼泊幾伴鴛鴦眠襟袖

既盈溢馨香亦相傳薄暮歸云來苧羅生碧煙

同前

張朝

朝出沙頭日正紅晚來雲起半江中賴逢隣女曾相識並

著蓮舟不畏風

同前

楊衡

凝鮮霧渚夕陽艷綠波風魚遊乍散藻露重稍歇紅楚客

傷暮節吳娃泣敗藜促令芳本固寧望雪霜中

同前

方干

採蓮女兒避殘熱隔夜相期侵早發指剝春葱腕似雪畫

撓輕撥蒲根月蘭舟遲速有輪贏先到河灣賭何物纔到

河灣分首去散在花間不知處

採菊

梁簡文帝

日精麗草散秋株洛陽小婦絕妍姝相喚提筐採菊珠朝

起露濕沾羅襦東方千騎從驪駒更不下山逢故夫



採菱女

費昶

妾家五湖口采菱五湖側玉面不關粧一作翠雙眉本青色  
日斜天欲暮風生浪未息宛在水中央空作兩相憶

同前

劉禹錫

白馬湖秋日紫光菱如錦絲鴛鴦翔一作白馬胡平秋日  
光紫菱如錦絲鴛鴦翔

盪舟遊女蒲中央採菱不顧馬上郎爭多逐勝紛相向時

轉蘭橈破輕浪長鬟弱袂動參差釵影釧紋一作文浮蕩漾

笑語哇咬顧晚暉蓼花綠一作綠岸扣船一作船歸歸來共到

市橋步野蔓繫船萍惹一作蒲衣家家竹樓臨廣陌下有連

墻多估客携觴薦芰夜經過醉蹋大堤相應歌屈平祠下

沅江水月照寒波白煙起一曲南音此地聞長安北望三

千里

同前

白日期何去青春只自矜艷歌呈幾曲江畔採新菱望浦

思同濟輕舟喜共乘翠一作葉將眉比色聲與調相應蕩漾

微波散清冷遠水澄更看池際影若對玉壺冰

青青河畔草

何遜

春蘭已應好折花望遠道秋夜苦復長抱枕向空牀吹臺

下促節不言於此別歌延掩團扇何時一相見絃絕猶依

軫葉落裁下枝即此雖云別方我未成離

同前

沈約

漠漠牀上塵心中憶故人故人不可憶中夜長歎息歎息



想容儀不言長別離別離稍已久空牀寄杯酒

文苑英華卷第二百八

文苑英華卷第二百九

詩五十九

樂府十八

君馬黃三首

紫騮馬十三首

騮馬驅五首

騮馬八首

白馬十首

發白馬二首附

擬飲馬長城窟九首

走馬引二首

愛妾換馬一首

君馬黃三首

張正見

幽并重騎射征馬正

一作自

盤桓風去嘶聲

一作長嘶

遠冰堅度

足寒出關聊

一作徒

變色上坂屢停鞍即今隨御史非復在

樓蘭



五色乘馬黃追風時滅沒血汗染龍花胡鞍抱秋月唯騰  
渥洼水不飲長城窟詎待燕昭王千金市駿骨

同前

蔡君知

君馬經一作經西極臣馬出東方策舉一作足策浮雲影珂連明  
月光水凍恒傷骨蹄寒為踐霜躊躇嗟伏櫪空想欲從良

紫騮馬

梁簡文帝

賤妾朝下機正遇良人歸青絲懸玉鐙朱汗染香衣一作金衣  
驟急珂彌響跡多塵亂飛彫菰一作胡幸可薦故人心一作心君

莫遠

同前

梁元帝

長安美少年金絡鐵連錢鐵一作錦宛轉青絲鞵照耀珊瑚鞭

依槐復依柳躑躅復隨前方逐幽并去西北共連翩

同前

陳暄

天馬汗如紅鳴鞍度九峻飲傷城下凍嘶依北地風葭一作  
茄塞芳樹歇笛怨柳枝空橫行意未已羞住一作在轂車中

同前

李燮

紫燕忽踟躕紅塵起路隅圉人移首霜騎士逐麋蕪三邊  
追點虜一鼓定強胡安用珂為玉自有汗成珠

同前

陳後主

嫖姚紫塞歸躑躅紅塵飛玉珂鳴廣路金絡耀晨暉蓋轉  
時移影香動屢驚衣禁門猶未閉連騎莫一作恣相追

同前

徐陵



玉鐙繡纏鬃金鞍錦覆幪風驚塵未起草淺埒猶空角弓  
連一作穿兩兔珠彈落雙鴻日斜馳逐罷連翩還上東

同前

張正見

將軍入大宛善馬出從戎影絕乾河上聲流水窟中似鹿  
猶依草如龍欲向空須還千萬里試為一追風

同前

獨孤嗣宗

倡樓望早春寶馬度城闔照耀桃花逕躑躅採桑津金馬

麗初景玉勒染輕塵遠聽珂驚急知一作箇是畫眉人

同前

蘇子卿類聚作祖孫登

候騎指樓蘭長城向一作迴路難嘶從風處斷骨住水中寒

飛塵暗金勒落淚灑銀鞍抽鞭上關路誰念客衣單

同前

江惣

春草正萋萋蕩婦出金閨識是東方騎猶帶北風嘶楊鞭  
出柳市細蹠下金堤願君憐織綵殘粧尚有啼

同前

楊炯

俠客重周遊金鞭控紫騮蛇弓白羽箭鶴轡赤茸鞦發跡  
來南海長鳴向北州匈奴今未滅畫地取封侯

同前

盧照隣

騮馬照金鞍轉戰入臯蘭塞門風稍急長城水正寒雪暗  
鳴珂重山長噴玉難不辭橫絕漠流血幾時乾

同前

沈佺期

青玉紫騮鞍驕多影屢盤荷君能剪拂躑躅噴桑乾踠足



追奔易長鳴遇賞難從金一萬里霜露不辭寒

驄馬驅

梁元帝

朔方寒氣重胡關饒苦霧白雪晝凝山黃雲夙一作埋樹

連翩一作驄行役子終朝征馬驅試上金微山還看玉關路

同前二首

劉孝威

十五宦期門二十屯邊徼犀羈玉鏤鞍寶刀金錯鞘一隨

驄馬驅分受青繩帛且令都護知願被將軍照誓使氊衣

鄉掃地無遺噍

二

翩翩驄馬驅橫行復斜趨先救遼城危後拂燕山霧風傷

易水湄日入隴西樹未得報君恩聯翩終不住

同前

徐陵

白馬號一作龍駒彫鞍名鏤衢諸兄二千石小婦字羅敷

倚端輕掃史一作吏召募擊休屠塞外多風雪城中絕詔書

空憶長楸下連蹠復連跣

同前

江惣

長城兵氣寒飲馬詎為難斲解青絲繫行歇鏤衢鞍白登

圍轉急黃河凍不乾萬里朝飛電論功易走丸

驄馬

車敷

驄馬鏤金鞍柘彈落金丸意欲驂驪走先作野遊盤平明

發下蔡日中過上蘭路遠行須疾非是畏人看

同前

庾抱



檣上浮雲驄本出吳門中發跡來東道長鳴起北風迴鞍  
拂桂白赭汗類塵紅滅沒徒留影無因圖漢宮

同前

楊炯

驄馬鐵連錢長安俠少年帝畿平似水宮路直如絃夜玉  
裝車軸秋金一作風鑄馬鞭風霜但自保窮達任皇天

同前

沈佺期

西北五花驄來時道向東四蹄碧玉片雙眼黃金瞳鞍上  
留明月嘶間動朔風借君馳沛艾一戰取雲中

同前二首

杜甫

鄧公馬癖人共知初得花驄大宛種夙昔傳聞思一見牽  
來左右神皆竦雄姿逸態何峭崿顧影驕嘶自矜寵隅目

青熒夾鏡懸肉駿礮礮連錢動朝來久試華軒下未覺玉

金滿高價赤汗微生白雪毛銀鞍却覆香羅帕卿家舊賜

公能取天廐真龍此其亞晝洗湏騰涇渭深朝一作晨趨可

刷幽并夜吾聞良驥老始成此馬數年人更驚豈有四蹄

疾於鳥不與八駿俱先鳴時俗造次那得致雲霧晦冥方

降精近聞下詔喧都邑肯使一作知有騏驎地上行

二

安西都護胡青驄聲價欻然來向東此馬臨陣久無敵與  
人一心成大功功成惠養隨所致飄飄遠自流沙至雄姿  
未受伏櫪恩猛氣猶思戰場利踠促蹄高如踣鐵交河幾  
蹴層冰裂五色散作雲滿身萬里方看汗流血長安壯兒



不敢騎走過掣電傾城知青絲絡頭爲君老何由却出橫  
門道

右二詩三百四十四卷重出今已削去

同前

楚萬

金絡青驄白玉鞍長鞭紫陌野遊盤朝驅東道塵恒滅暮  
到河源日未闌汗血每隨邊地苦蹄傷不憚隴陰寒君能  
一飲長城窟爲盡天山行路難

同前

紀唐夫

連錢出塞蹋沙蓬豈比當時御史驄逐北自諳深磧路連  
嘶誰念靜邊功登山每與青雲合弄影應一作知碧草同  
今日虜平將換妾不如羅袖舞春風

白馬

沈約

白馬紫金鞍停鑣過上蘭寄言俠斜子詎知隴道難赤坂  
途三折龍堆路九盤水生肌裏冷風起骨中寒功名志所  
急日暮不遑食長馳一作驅入右地輕舉出樓蘭直去已垂  
涕寧可望長安匪期定遠封無羨輕車官唯見恩義重豈  
覺衣裳單本持軀命答幸遇身名完

同前

王僧孺

千里生冀北玉鞘黃金勒散蹄去無已搖頭意相得豪氣  
發西山雄風擅東國飛鞚出秦隴長驅繞岷嶲承謨若有  
神稟箕良不忒滌泊河水黃參差嶂雲黑安得一作對兕  
女垂帷弄毫墨萋弱不稱雄後得方爲特至思一作亦何



已君恩良未塞不許跨天山何由報皇德

同前

徐悱

研蹄飾鏤鞍飛鞚度河干少年本上即遨遊入露寒劍琢  
荆山玉彈把隋珠丸聞有邊烽急飛候至長安然諾竊自  
許捐軀諒不難召一作占兵出細柳轉戰向樓蘭雄名盛李  
霍壯氣勇彭韓能令石飲羽復使髮衝冠要功非汗馬報  
効乃鋒端日沒塞雲起風悲胡地寒西征馘小月北去騰  
烏丸歸報明天子燕然石復刊

同前

隋煬帝

白馬金具裝橫行遼水傍問是誰家子宿衛羽林郎文犀  
六屬鎧寶劍七星光山虛弓響徹地迴角聲長宛河推勇

氣隴屬擅威強輪臺受降虜高闕剪名王射熊入飛觀校

獵下長楊英名一作雄

一作

欺衛霍智策箴平良島夷時失禮卉

服犯邊疆征兵集薊北輕騎出漁陽進軍隨日暈挑戰逐

星芒陣移龍勢

一作膝

動營開虎

一作鷹

翼張衝冠

一作寇

入死

地攘臂越金湯塵飛戰鼓急風交征旆揚轉鬪平華地一作

麗

追奔掃帶方本持身許國况復武功彰會令千載後流

譽蒲旂常

同前

王胄

白馬黃金鞭蹀躞柳城前門此何鄉客長安惡少年結髮

從戎事馳名振朔邊良弓控繁弱利劍揮龍淵一作泉

一作

披林

扼彫虎仰手接飛鳶前年破一作絕

一作

沙漠昔歲取祁連折衝



摧石校拳旗殪左賢昆一作虎左傳有力如虎者彌還謝力慶忌本推

儼海外平一作憑遐險來庭識負寨一作職貢愆三韓勞薄伐六

事指幽燕良家選河右猛將徵西山浮雲屯羽騎蔽日引

長旃自矜有餘勇應募忽爭先王師已得雋夷首諒失一作

求失全鼓行徇玉檢一作王儉乘勝蕩朝鮮志勇期一作所期大功立

寧憚微軀捐不羨山河賞唯希竹素傳

同前

辛德源

任俠重芳辰相從兢逐春金羈絡赭汗紫陌映一作縷應紅塵

寶劍橫一作提三尺琯弓韜六鈞鳴珂蹀細柳飛蓋出宜春

遙見浮雲一作光發懸識隴頭人

同前

杜甫

白馬東北來空鞍貫雙筈前可憐馬上即意氣今誰見近時

主料戮中夜商餘戰喪亂死多門嗚呼涕如霰

同前

李白

龍馬花雪毛金鞍五陵豪秋霜切玉劍落日明珠袍聞鷄

事萬乘軒蓋一何高弓摧南山虎手接泰山猱酒後競風

彩三盃弄寶刀殺人如剪草劇孟同遊遨發憤去函谷從

軍向臨洮叱咤經百戰一作萬戰場匈奴盡波濤歸來使酒氣

未肯拜一作下蕭曹羞入原憲室荒徑隱蓬蒿

同前

賈至

白馬紫連乾嘶鳴丹闕前聞珂自躑躅不要下金鞭

同前

翁綬



渥洼龍種雪霜同毛骨天生膽氣雄  
金埒乍調光照地玉關初別遠嘶  
風花明錦檐垂楊下露濕朱纓細  
草中一夜羽書催轉戰紫髯騎出  
佩駢弓

發白馬

費昶

家本樓煩倍投募羽林兒怖羗角  
觝戲習戰昆明池弓弛不復挽劍  
衣恒露鉞一辭豹尾內長別屬車  
垂白馬今雖發黃河未結澌寄言  
閨中婦逢春心勿移

此詩元編在白馬門按樂府白馬乃津名故加發字與白馬不同今移于後

擬飲馬長城窟

陳後主

征馬入他鄉山花此夜光離群嘶向影因風屢動香月色

含城暗秋聲雜色長何以酬天子馬革報疆場

同前

王褒

北走長安道征旅

一作騎

每經過戰垣臨八陣門樓

一作旌門對

兩河屯兵戢隴北飲馬傍城阿雪深無復道冰合不生波  
塵飛連陣聚沙平騎跡多昏昏隴底日一作月耿耿霧中河  
羽林猶角觝將軍尚雅歌臨戎常拔劍蒙險屢提戈秋風  
鳴馬首薄暮欲如何

同前

張正見

秋草朔風驚飲馬出長城群驚還怯飲地險更疑行傷冰  
一作水飲一作驚凍足畏冷急寒聲無因度吳坂方復入羗城

同前

隋煬帝



蕭蕭秋風起悠悠行萬里萬里何所行橫漠築長城豈台  
小子智先聖之所營樹茲萬代策安此億兆生詎敢憚焦  
思高枕於上京西河執一作北武節千里倦一作戎旌山  
川互出沒原野窮超忽縱金止行陣鳴鼓興士卒千乘萬  
騎動飲馬長城窟秋昏塞外雲霧暗關山月綠岩驛馬上  
乘空烽火發借問長城一作安候單于入朝謁濁氣淨天山  
晨光照高闕釋兵仍振旅要荒事方舉飲至告言旋歸功  
清廟前

同前

唐太宗

塞外悲風切交河水已結瀚海百重波陰山千里雪迴戍  
危烽火起作層巒引高節悠悠卷旆旌飲馬出長城寒沙  
一風迹朔吹斷邊聲胡塵清玉塞羌笛韻金鉦絕漠干戈  
戢車徒振原隰都尉反龍韋將軍旋馬邑揚麾氛霧靜紀  
石功名立荒裔一戎衣雲臺凱歌入

同前

虞世南

馳馬渡河干流深馬渡難前逢錦車使都護在樓蘭輕騎  
猶銜勒疑兵尚解鞍温池下絕澗棧道接危巒拓地勳方  
一作賞亡城律詎寬有月關猶暗經春隴尚寒雲昏無復  
影冰合不聞湍懷君不可遇聊持報一餐

同前

袁朗

朔風動秋草清蹕長安道長安道一作城連不窮所以隔華戎  
規模唯聖作負荷曉成功鳥庭已向內龍荒更鑿空玉關



塵卷靜金微路已通揚一作湯征隨北怨舞一作舞詠起南風

畫野一作地功初立綏邊事云集朝服踐狼居凱歌旋馬邑

山響傳鳳吹霜華藻瓊斂屬國擁節歸單于款關入日落

寒雲起驚河被原隰零落葉已寒河流清且急四時徃役

靜千載干戈戢太平今若斯汗馬意一作竟無施唯當事筆

硯歸去草封禪

同前

陳標

日日風吹虜騎塵年年飲馬漢宮人千堆戰骨那知主萬

里枯沙不辯春浴谷氣寒愁墜指斷崖冰滑恐傷神金鞍

玉勒無顏色淚滿征衣怨暴秦

同前

釋子蘭

遊客長城下飲馬長城窟馬嘶聞水腥為浸征人骨豈不

是流泉終不成潺湲洗盡骨上土不洗骨中冤骨若逐水

流一作流水四海有還魂空流嗚咽聲聲中疑一作是骨言

走馬引

張率

良馬龍為友玉珂金作羈相去京一作宛與洛半驟復平一作

半馳倏忽而千里光景不及移九方惜未見薛公寧所知

歛轡且歸去吾畏路傍兒

同前

傅綽

驄馬表連錢出冀後來燕取用偏開地為歌乃號天權奇

意欲遠躩蹠勢難前本珍白玉鑿因飾黃金鞭願酬芻秣

寵千里得千年



愛妾換馬

一百天桃千里蹄芳

一作嬌

姿駿骨價應齊試

一作乍

牽玉勒

趨辭一作

金埒

一作棧

初

一作催

整花鈿出繡闈去日豈無霑袖

一作袂

泣別時猶解

一作歸

時還有

頓銜嘶嬋娟蹀躞春風暮

一作裏

揮手搖鞭楊柳堤

文苑英華卷第二百九

文苑英華卷第二百十

詩六十

樂府十九

臨高臺八首

登高臺一首

上之回五首

釣竿篇四首

箜篌謠二首

箜篌引二首

公無渡河四首

苦熱十二首

苦寒六首

猛虎行四首

臨高臺

梁簡文帝

高臺半行雲望望不可

一作高不

極草樹無參差山河同一色

髣髴洛陽道道遠難可

一作別

識玉階故人情一作情人情來苦

共一作相憶



同前

張正見

層臺邈清漢出迴架重芬飛棟臨黃鶴高牕度白雲風前  
朱幔一作色霞處綺疏分此中多怨曲地遠詎能聞

同前

沈約

高臺不可望遠望使人愁連山無斷絕河水復悠悠所思  
竟一作何在洛陽南陌頭可望不可見一作何用解人愁

同前

蕭愨

崇臺高百尺迴出望仙宮畫拱浮朝氣飛梁照晚虹小衫  
飄霧縠艷粉拂輕紅笙吹文陽篠琴奏嶧山桐舞逐飛龍  
引花隨少女風臨春今若此極宴豈無窮

同前

褚亮

高臺暫俯臨飛翼聳輕音浮光隨日度漾影逐波深迴歌  
周平野開懷暢遠矜一作獨此三休上還傷千里心

同前

王勃

臨高臺高臺迢遞絕浮埃瑤軒綺構何崔嵬鸞歌鳳吹清  
且哀俯瞰長安道萋萋御溝草斜對甘泉路蒼蒼茂林樹  
高臺四望同帝鄉佳氣鬱葱葱紫閣丹樓紛照耀碧房錦  
殿相玲瓏東彌長樂觀西指未央宮赤城映朝日綠樹搖  
春風旗亭百墜開一作新市甲第千薨分戚里朱輪翠蓋

不勝春疊樹層楹相對起復有青樓大道中繡戶文窓雕  
綺攏錦衣晝不裝羅帷夕未空歌屏朝掩翠粧鏡晚窺紅  
為吾安寶髻娥眉罷花叢狹路塵間黯將暮雲開月色明



如素鴛鴦池上兩兩飛鳳凰樓下雙雙度物色正如此佳  
期那不顧銀鞍繡轂盛繁華可憐今夜宿倡家倡家少婦  
不須嘆東園桃李片時春君看舊日高臺處栢梁銅雀尚  
一作生黃塵

同前

沈佺期

高臺臨廣陌車馬紛相續迴首思舊鄉雲山亂心曲遠望  
河流緩周看原野綠向夕林鳥還憂來飛景促

同前

王易從

漢主事和連良人在高闕空臺寂已暮愁坐變容髮汎艷  
春幌風徘徊秋戶月可憐軍書斷空使流芳歇

登高臺

王僧孺

試出金華殿聊登銅雀臺九路平如掌

一作砥

千門乘晚

一作

洞開軒車映日至

一作過

簫管逐風來若非邯鄲美便是洛

陽才

上之回

蕭愨

發軔城西疇迴輿事北遊山寒石道凍葉下故宮秋朔路  
傳清警邊風卷盡旒歲餘巡省畢按節

一作擁

返皇州

同前

陳子良

承平重遊樂詔蹕上之回屬車響流水清笳轉落梅嶺雲  
蓋道轉巖花映綬開下輦便高宴何如在瑤臺

同前

盧照隣

回中道路險蕭關烽候多五營屯右

一作比

地萬乘出西河



單于拜玉璽天子按琱戈振旅汾川曲秋風橫大歌

同前

沈佺期

制書下闕右天子門回中壇墀經過遠威儀侍從雄黃麾  
揜畫日青幟曳松風廻望甘泉道龍山隱漢宮

同前

李白

三十六離宮樓臺與天通閣道步行月美人愁煙空恩踈  
寵不及桃李傷春風淫樂意何極金輿向回中萬乘出黃  
道千旗揚綵虹前軍細柳北後騎甘泉東豈問渭川老寧  
邀襄野童但慕一作秋暮瑤池宴歸來樂未窮

釣竿篇

劉孝綽

釣舟畫彩鷁漁子服冰紈金轄茱萸網銀鈎翡翠竿促棹

一作飲饒隨水脉急艇渡江湍一作急漿湍長自不亂前浦有

佳期船交撓一作棹影合浦深魚出遲荷根時觸餌菱芒乍

冒絲連渡江南手衣渝京兆眉垂竿自有一作未樂誰能為

太師

同前

張正見

結宇長江側垂釣渡一作鈎廣川潯竹竿橫翡翠桂髓擲黃金

人來戲一作水鳥沒撒渡岸花沉蓮搖見魚近綸盡覺潭深

渭水終湏卜滄浪徒自吟空嗟一作明芳餌下獨見有貪心

同前

李巨仁

潺湲面江海滉漾瞞波瀾不惜黃金餌唯憐翡翠竿斜綸  
控急水定撒下飛湍潭廻風來易川長霧歇難寄言朝市



客滄浪徒自安

同前

劉孝威

試持玄渚釣暫罷池陽獵翠羽飾長綸藻花裝小牒鈞利  
斷蓴絲帆舉牽菱葉聊載前魚童還看後舟妾

篋篋誼

結交在相得骨肉何必親其言無忠實世薄多蘇秦從風  
暫靡草富貴上昇人一作真不見高巔樹摧抗下為薪豈其

一作目覩井中泥時至出作塵

同前

李白

攀天莫登龍走山莫騎虎貴賤結交心不移唯有嚴陵及  
光武周公稱大聖管蔡寧相容漢誼一斗粟不與淮南春

兄弟尚路人一作行路吾心安所從他人方寸間山海幾千重

輕言托朋友對面九疑峯多花必早落桃李不如松管鮑

久已亡一作死何人繼其蹤

篋篋引又曰公無渡河

李賀

公乎公乎提一作携壺將焉如屈平沉湘不足慕徐衍一作羨

入海誠為愚公乎公乎牀有筦席盤有魚比里有贇兄東

隣有小姑隴畝油油黍與葫瓦瓶濁醪蟻浮浮黍可食醪

可飲公乎公乎其一作可柰居被髮奔流竟何如贇兄小姑

哭鳴鳴

此詩三百三十五卷重出今已削去

李憑篋篋引

前人



吳絲蜀桐張高秋空白凝雲顏不流湘娥啼竹素女愁李  
憑中國彈箜篌崑山玉碎鳳凰叫芙蓉泣露香蘭一作笑  
十二門前融冷光三十三弦動紫篁一作皇女媧鍊石補天  
處石破天驚逗秋雨夢入神仙教神嫗老魚跳波瘦蛟舞  
吳質不眠倚桂樹露脚斜飛濕寒兔

公無渡河

劉孝威

請公無渡河河廣風威厲檣偃落金烏舟傾沒犀柅糾蓋  
空嚴祠白馬徒牲祭街石傷寡心崩城掩孀袂劔飛猶共  
水魂沉魄俱逝君為川后臣一作神妾作江妃姊

同前

張正見

金堤分一作紅錦纜白馬渡蓮舟風嚴歌響絕浪急一作湧傍

人愁棹折桃花水帆橫竹箭流何言沉璧處千載偶陽侯

同前

李白

黃河西來決崑崙咆哮萬里觸龍門波滔天堯咨嗟大禹  
理百川兕啼不窺家殺湍湮洪流一作水九州始蠶麻其害  
乃去茫然風沙被髮之叟狂而癡清晨徑一作臨流欲奚為  
傍人不惜妻止之公無渡河苦渡之虎可搏河難馮公果  
溺死流一作沉海湄海湄有長鯨白齒若雪山公乎公乎挂  
骨於其間箜篌所悲竟不還

同前

陳標

陰雲颯颯浪花愁半度驚湍半挂舟聲盡雲天君不住命  
懸魚鼈妾同休黛娥芳臉垂珠淚羅襪香裾赴碧流餘魄



豈能銜木石獨將遺恨付筵篔

苦熱

梁簡文帝

六龍驚不息三伏啓炎陽寢興煩几案俯仰倦帷床滂沱

汗似淪一作鏤霏微風如湯洄池愧生浪蘭殿非含霜細簾

時半掩輕幌乍橫張雲斜花影没日落荷心香願見洪崖

井誰一作誰憐河朔觴

同前

任昉

旭日煙雲卷烈景入東軒傾光望轉蕙斜日照西垣既卷

蕉梧葉復傾葵藿根重簟無冷氣挾石似懷溫霖霖類珠

綴喘赫狀雷奔

同前

何遜

昔聞草木焦今覩沙石爛曠曠風逾靜曠曠日漸軒習靜

悶一作悶衣巾讀書煩几案卧思清露挹一作挹坐待高明一作明

星燦蝙蝠户中飛蠖蟻窓間亂實無河朔飲空有臨淄汗

遺金自不拾惡木寧無幹願以三伏晨催促九秋換

同前

劉孝威

日暮苦炎溽遷坐接長廊月麗姮娥影星含織婦光栖禽

動夜竹流螢出閣墻香盤椽鮮一作鱗粉雕臺一作壺承蔗漿

白羽徒搖幄綠水自周堂弱紈猶覺重織絺尚一作向少涼

弄風思漢朔戲雨憶吳王玄水術難驗赤道漏猶長誰能

更吹律還令黍谷涼

同前

王筠



日域散朱雱天隅斂青靄飛光煥南陸炎津湧北瀨繁星  
聚若珠密雲屯似益月至每開衿風過時解帶

同前和樂儀同

度信

火井沉熒散炎洲高燄通鞭石未成雨鳴鳶不起風思爲  
鸞翼扇願借光明宮臨淄迎子禮中散就安豐美酒合一作  
含蘭氣甘瓜開蜜筒寂寥人事屏還得隱墻東

同前

杜甫甫時爲華州功曹

七月六日苦炎蒸對食暫飡還不能每愁夜中自足竭况  
乃秋後轉一作復多蠅束帶發狂欲大叫簿書何急來相仍

南望青松架短一作絕壑空能赤脚踏層冰

奉和李大夫同呂評事太行苦熱行兼寄院中諸

公仍呈王員外

劉長卿

迢迢太行路自古稱險惡千騎儼欲前群峯望如削火雲  
從中起仰視飛鳥落汗馬卧高原危旌倚長薄清風何不  
至赤日方煎鑠石露一作枯山木焦鱗窮水泉涸九重今旰  
食萬里傳明略諸將候軒車元兗愁鼎鑊何勞短兵接白  
有長纓縛通越事豈難渡瀘功未博朝辭羊腸坂夕望貝  
丘郭漳水斜饒營恒山遙入幕未懷姑蘇下因寄建安作  
白雪和難成滄波意空託陳琳書記好王粲從軍樂早晚  
歸漢廷隨公一作君上麟閣

五言酬薛員外詎苦熱行見寄 僧皎然

六月金數伏茲辰日在庚炎曦爍一作曝肌膚毒靄昏性情



一作毒霧安得奮輕一作翮迢遙出雲征不知天地心如

何匠生成火德燒百卉瑤草不及榮有客當此時忽貽懷

中瓊捧翫煩衿滌嘯歌善一作羨風生遲君佐元氣調使四

序平中令霜不祆火餘氣常貞江南詩騷客休吟苦熱行

### 苦熱行

王穀

祝融南來鞭火龍火旗焰焰燒天紅日輪當午凝不去萬

國如在洪爐中五嶽翠乾雲彩滅陽侯海底愁波竭何當

一夕金風發為我掃却天下熱

### 同前

僧鸞

燭龍銜火飛天地平陸無風海波沸彤雲疊掛竒峯長焰

焰流光蕪凝翠煙島搏鵬鰲雙翅羲和赫怒強總轡飲流

夸父斃長途始見當中印王字明明夜西朝又東古來有

道仍在中扶桑老葉蔽不得輝華直上凌蒼穹萬人揮汗

翻成雨口燥喉乾隘塵土西郊雲色晝冥冥如何不放一作

救一作生靈苦何山恠木藏蛟龍縮鱗卷鬣為乖慵不發滂澤

注天下欲使風雲何所從早苗原上枯成焰嶽靈徒祝無

神驗豪家簾外喚清風水紋明角鋪長簾玉扇盡堂凝夜

秋歌艷遶梁催莫愁陽烏落盡酒不醒扶上西園當月樓

靡由喝死非吾屬庫有黃金倉有粟

### 苦寒

喬知之

胡天夜清迥孤雲獨飄颻遙裔出鴈關逶迤含晶光陰陵

久徘徊幽都無夕陽和寒凍巨海殺氣流大荒朔風吹水



寒行子覆疑作胡霜路有從役倦卧死黃沙場羈旅因相  
依慟之淚沾裳由來從軍行賞存不賞亡亡謝誠已矣徒  
令存者傷

同前二首

杜甫

漢時長安雪一丈牛馬毛寒縮如蝟楚江巫峽冰入懷虎  
豹哀號又堪記秦城老翁荆楊客慣習炎蒸歲締綌玄冥  
祝融氣或交手持白羽未敢釋

二

去年白帝雪在山今年白帝雪在地凍埋蛟龍南浦縮寒  
割肌膚北風利楚人四時皆麻衣楚天萬頃一作無晶輝  
三足之烏骨一作恐斷羲和送之將安歸一作送將安所  
歸又作送送將

同前二首

前人

南紀巫廬瘴不絕太古以來無尺雪蠻夷長老怨苦寒崑  
崙天關凍欲一作折玄猿口禁不能嘯白鵠翅垂眼出一作  
血安得春泥補地裂

二

曉一作來江邊失大木猛風中夜飛一作白屋天兵新一作  
斷斬青海戎殺氣南行動坤軸不爾苦寒何其大一作酷已  
東之峽生凌漸彼蒼迴幹人得知

同前

劉駕

百泉凍皆咽我吟寒更切半夜倚喬松不覺滿衣雪竹竿



有甘苦我愛抱苦節鳥聲有悲歡我愛口流血潘生若解  
吟更早生白髮

猛虎行 一作吟

儲光羲

寒亦不憂雪饑亦不食人人肉 一作血 豈不甘所惡傷明神  
太虛為我宅孟門為我隣百獸為我膳五龍為我賓蒙馬  
一何威浮江亦以仁綵章曜朝日爪牙 一作牙爪 雄武臣高雲  
逐氣浮厚地隨聲震君能賈餘勇日夕長相親

同前

李白

行作 一作朝作 又作行亦 猛虎吟 一作行 坐作 一作暮作 又作坐亦 猛虎吟腸斷  
非關隴頭水淚下不為雍門琴旗旌續紛兩河道戰鼓驚  
山欲顛倒秦人半作燕地囚胡馬翻街洛陽草一輪一失

關下兵朝降夕叛幽薊城巨鰲未斬海水動龍魚奔走安  
得寧頗似楚漢時翻覆無定止朝過博浪沙暮宿 一作入 淮

陰市張良未遇韓信貧劉項存亡在兩臣斲到下邳受兵  
畧來投漂母作主人賢達 一作哲 悽悽古如此今將棄擲 一作

亦棄 青雲士有策不敢干 一作紀 龍鱗竄身南國避胡塵寶  
書長劔束 一作推 高閣金鞍駿馬散故人昨日方為宣城客

掣齡交通二千石有時六博快壯心遶牀三匝呼一擲楚  
人每道張旭奇心藏風雲世莫知三吳邦伯多顧盼四海

豪 一作推 俠皆相推蕭曹亦 一作會 作沛中吏攀龍附鳳皆 一作

當 有時漂陽酒樓三月春楊花茫茫愁殺人胡鷄綠眼吹  
玉笛吳歌白紵飛梁塵丈夫相見且為樂椎牛搗鼓會眾



賓我從此去釣滄海得魚笑寄情相親

同前

張籍

南山北山樹冥冥猛虎白日遶村一作林行向曉一作晚一身

當道食此一作山中麋鹿盡無聲年年養子在深谷雌雄上

下不相逐谷中近窟有山村一作林長向林中一作村取黃犢

五陵年少不敢射空來林下看行跡

同前

李賀

長戈莫梃強弩莫抨乳孫哺子教得生惇舉頭為城掉尾

為旌東海黃公愁見夜行道逢騶虞牛哀牛哀化虎也不平何

用尺刀壁上雷鳴泰山之下婦人哭聲官家有程吏不敢

聽

文苑英華卷第二百十終



文苑英華

卷一百一十一

三



